



TRNOVO



opcina.trnovo@bih.net.ba



www.trnovo.ba

Informativni bilten Općine Trnovo

Mart, 2022.





foto: Muamer Kolar



OPĆINA TRNOVO



www.trnovo.ba

SADRŽAJ

Bjelašnica - tradicija olimpizma	4
Infrastrukturni projekti Općine Trnovo	14
Naša djeca - naša budućnost	30
Privreda	34
Društvena odgovornost	38
Kultura i sport	45
Obilježavanje značajnih datuma	47
Općinsko vijeće	48
Stanje prirodne nesreće	52
Općina Trnovo	54

IMPRESSUM

Izdavač: Općina Trnovo
Godina izdanja: 2022.g.
Urednici: Haris Pindžo, Ajla Lindov
Tekstovi: Ajla Lindov i Kimeta Zolota
DTP: Haris Pindžo
Štampa: «R&S» d.o.o.

Općina Trnovo

Dan planina

#planine su važne za život!

Međunarodni dan planina proglašila je 2003. godine Opća skupština Ujedinjenih naroda, nakon što je Međunarodna godina planina, koju je UN proglašio 2002. godine, ukazala na potrebu kontinuiranog osvješćivanja golemog značenja planina i održivog razvoja njihova okoliša za očuvanje kvalitetnog života stanovništva.

Ljudski životi ovise o planinama više nego što se to može i zamisliti. Planine opskrbljuju sa čak 70 posto cijelokupne pitke vode, one su dom za 25 posto biljnih i životinjskih vrsta, ali i svakom desetom stanovniku planete.

UN navodi da su planine važne osim zbog zaliha pitke vode i kao regulator smanjenja prirodnih katastrofa, za turizam, za mlađe i kulturno nasljeđe te održavanje populacija starosjedilačkih naroda, za bioraznolikost...

Općina Trnovo je upravo takvo jedno područje u Kantonu Sarajevo, koje obiluje prirodnim ljepotama, planinama, turističkim potencijalima, kulturnim nasljeđem, a geografski smještena na planinskim obroncima Bjelašnice, Igmana, Visočice, Treskavice i Jahorine.

Kada govorimo o planinarenju Trnovo je oduvijek bilo izazov za aktivne i vrsne planinare. Iako je prvo planinarsko društvo formirano prilično kasno, Trnovo ima bogatu tradiciju – dugu preko 120 godina. Na Treskavici su odmah poslije aneksije Austro-Ugarske (1878. g.) izrađene prve planinarske kuće.

-Mi smo rođeni na ovim planinama, čuvamo naše planine jer su nam one garant borbe protiv naglih klimatskih promjena, da imamo čist vazduh, a samim tim su nam garancija zdrave i pitke vode, kazao je Općinski načelnik te dodao da je današnja koncentracija mladih ljudi na Bjelašnici garancija zaštite ove planine i šireg prirodnog okruženja, u kojem zapravo neki od njih i žive.

Boravak na planini i planinarenje više je nego zdravo za vaše tijelo, stoga smanjite stres i idite daleko od posla, bučnih ulica i zagađenih gradova. Opustite se i uživajte u prirodi, jačajte vaše tijelo da li planinarenjem, skijanjem ili običnom lagom šetnjom na čistom vazduhu. U povodu Međunarodnog dana planina i otvorenja zimske sezone, Općina Trnovo pripremila je i promotivni video snimak. www.trnovo.ba



Izgradnja olimpijskih krugova na Gornjoj Grkarici

Vlada Kantona Sarajevo preko Turističke zajednice sufinansirala je projekat izgradnje olimpijskih krugova na Gornjoj Grkarici, čiji je inicijator Općina Trnovo.

Ukupna vrijednost ugovorenih radova je 16.965,00 KM, a izvođač radova je Max Media d.o.o. iz Sarajeva.



Završena je izgradnja olimpijskih krugova u centralnoj zoni novoizgrađenog kružnog toka

Pet krugova – (plavi, crni, crveni, žuti i zeleni) međusobno isprepletenih predstavlja 5 kontinenata i simbolizuju univerzalnost olimpizma i susret sportista iz čitavog svijeta tokom igara. Krugovi se nalaze na bijeloj pozadini sa kojom čine olimpijsku zastavu. Kombinovane na ovaj način, šest boja zastave (bijela, plava, crna, crvena, žuta i zelena) predstavljaju sve nacije sveta.

Olimpijski krugovi kao simbol odaju već svima poznat identitet Olimpijske Bjelašnice, nakon što su Zimske olimpijske igre 1984. godine održane u Sarajevu.

Olimpijski krugovi su postavljeni na novi kružni tok u dužini od 300 metara i rekonstruisanu trasu puta od dva kilometra. Ovim putem napominjemo i da će na obnovljenoj dionici dužine 587 metara biti postavljena i saobraćajna signalizacija.

Pomenutim rekonstrukcijama je u znatnoj mjeri olakšan protok vozila koji bi trebao smanjiti saobraćajne gužve, te povećati sigurnost učesnika u saobraćaju, naročito u vrijeme skijaške sezone, kada Bjelašnicu posjećuje veći broj ljudi.

- Nastavljamo dobru saradnju sa Vladom Kantona Sarajevo, a to nadam se znači više projekata i investicija u našoj lokalnoj zajednici, kazao je Općinski načelnik.

Bjelašnica - tradicija olimpizma

Bjelašnica u prazničnom izdanju

Iz Budžeta Općine Trnovo za 2021. godinu izdvojeno je oko 100.000 KM za nabavku mobilijara za praznično ukrašavanje. Općina ulaže sve napore da za vrijeme novogodišnjih praznika građani i posjetioci osjetite prazničnu atmosferu kakvu im nude veliki evropski gradovi.

Od izdvojenog novca, prema potpisanim Ugovoru iz mjeseca oktobra dobavljač kompanija SES d.o.o. Sarajevo isporučila je i postavila svjetleće dekorativne elemente u obliku Saonica, Jelena, zatim stupnih elemenata u obliku buketa i pahuljica, te skulptura Vučka koje su postavljene na Babinom dolu.

Nove figure u 3D formatu predstavljaju pravo iznenađenje za naše sugrađane, pogotovo one najmlađe.

Prekrasne dekoracije, prijatna atmosfera koja odiše prazničnim duhom, uz veliki broj dešavanja na trgu "Srebrne lisice" i Babinom dolu.



Realizacija Sporazuma sa preduzećem Park

#novi prostori za dječiju igru

Općina Trnovo je u septembru mjesecu potpisala Sporazum o finansiranju sa preduzećem "Park", te u okviru budžetskih sredstava osigurala novčana sredstva u iznosu od 30.000,00 KM, a nakon čega je u proteklom periodu preduzeće "Park" na do sada praznoj površini u Babinom Dolu, u neposrednoj blizini glavne šetnice izgradilo dječije igralište, od prirodnog drveta. Potpisani Sporazum, osim izgradnje igrališta podrazumjeva i realizaciju niza manjih projekata uređenja javnih zelenih površina na Bjelašnici uz sadnju stabala. Tako je u zelenom pojusu uz šetnicu, koja počinje od ulaza kod hotela "Han" pred sami početak zime započela sadnja stabala. Zasađena su stabla jasena, javora i trešnje, dok će ostale aktivnosti i realizacija prema pomenutom Sporazumu biti nastavljena na proljeće.



Bjelašnica - tradicija olimpizma

Doček Nove 2022. godine na Bjelašnici

Brojni posjetitelji Bjelašnice dočekali su Novu godinu uživajući u noćnom skijanju do ranih jutarnjih sati. Za dobar provod pobrinuo se DJ ispred restorana Beneton, a za najmlađe Općina Trnovo je obezbijedila slatkiše, koje je dijeci uručila najpoznatija maskota Vučko.

Drugaciji pristup zimskoj sezoni obezbijedila je Turistička zajednica Kantona Sarajevo, ZOI'84 i Općina Trnovo, uz obećanje za još zabavnih sadržaja tokom januara i februara.



Godišnjica Olimpijade

Punih je 38 godina od kada je u Sarajevu počeo najveći svjetski sportski događaj - Zimske olimpijske igre. Za maskotu je izabran vuk Vučko, koji i danas živi kao simbol Olimpijade.

- Na našoj olimpijskoj Bjelašnici održano je takmičenje spusta za muškarce, a samo dan pred otvaranje igara u Sarajevu nije bilo snijega, i počeo je padati dan pred sami takmičenje na oduševljenje svih nas.

Imam jako lijepa sjećanja i uspomene na tu godinu i to vrijeme mojih studentskih dana, no bitno je naglasiti da je Bjelašnica zadržala olimpijski duh, mi smo čak kao lokalna zajednica ove godine obezbijedili jednog Novogodišnjeg Vučka koji krasi Babin do, partneri smo Turističke zajednice i ZOI'84 za više takmičenja održanih u toku ove zimske sezone, kazao je u ovom povodu Općinski načelnik. Ovom prilikom najavio je i izgradnju dječijeg igrališta i sličnih sadržaja na Bjelašnici već početkom proljeća.

Moto trka "Days of Revenge 8" na Bjelašnici

U organizaciji NVO Horizont 4. i 5. septembra 2021. godine na lokalitetu olimpijske planine Bjelašnice, održana je Hard enduro trka "Days of Revenge 8" (DOR 8).

Ovo je najzahtjevnija moto trka i ujedno posljednja, šesta po redu u ovogodišnjem Enduro Prvenstvu BiH, čime se završava takmičarski ciklus. Pored domaćih takmičili su se i vozači iz Hrvatske, a učestvovalo je ukupno njih 70, a trka se bodovala za Prvenstvo BiH.

Hard enduro je moto disciplina koja se vozi po izuzetno zahtjevnom terenu, i tu vozači pokazuju svoje vještine, hrabrost i spremnost motora na takve izazove. Start i cilj Hard enduro trke „Days of Revenge 8“ bio je na Bjelašnici, a vožena je u dvije kategorije, vozili su veterani i amateri stazom koja je izuzetno atraktivna.



Foto: Zlatan Kurto



Foto: Zlatan Kurto

Bjelašnica - tradicija olimpizma

KJP ZOI'84

Kantonalno javno preduzeće ZOI'84 za razvoj ski centara Bjelašnica i Igman u naredne četiri godine investirat će oko 20 miliona KM. Novoimenovani direktor kompanije ZOI'84 Jasmin Mehić predstavio je plan razvoja i infrastrukturnih ulaganja.

Kako je saopćeno iz Službe za marketing, komercijalne poslove i nabavku izrađen je plan dugoročnih i kratkoročnih ulaganja kompanije. Dugoročna vizija razvoja ski centra Bjelašnica i Igman postavljena je još 1981. godine i bazirana je na uvezivanju dva skijališta, Bjelašnica i Igman. U važećim regulacionim planovima ucrtane su skijaške staze koje povezuju ova dva centra i potrebno je uraditi dopune i izmjene u skladu sa novim standardima.



Projekti za koje su potpisani ugovori su završeni ili su u fazi realizacije: rekonstrukcija postojećeg i izgradnja novog ski lifta na lokaciji Babin Do, ugovor za izgradnju objekta garaže za šestosjednu žičaru koji će uključivati nove prostorije za hitnu pomoć i javne toalete, finaliziranje radova na izgradnji i uvezivanje sistema vještačkog osnježenja na stazi gornja "Kolijevka", integracija novog sistema SKI-DATA, koji će omogućiti lakšu kupovinu ski karata putem web shopa, u hotelima i na drugim prodajnim mjestima, izgradnja novog sistema za upravljanje parkingom, osposobljavanje staze za noćno skijanje sa vrha ski lifta „BY“ te nabavka novih mašina za uređenje staza.

Prioritetni planovi u iznosu od 20 miliona KM su: zamjena ski lifta „Kolijevka“, premještanje četverosjeda na novu lokaciju, uvođenje sistem osnježenja na stazama „5a“, „5“ i „4“, probijanje nove skijaške staze u pravcu sjeverozapada, tj. u pravcu Igmana, izgradnja nove polazne stanice sa malog parkinga, gdje bi bili smješteni info centar, prodaja ski karata i ostali prateći sadržaji, izgradnja novog akumulacionog jezera kapaciteta preko 70.000 m³, izgradnja tri dječja ski parka: Bjelašnica, Malo Polje i Veliko Polje, rekonstrukcija streljane za biatlon na Velikom Polju i uređenje skijaških staza.

S obzirom na to da KJP ZOI'84 nije jedini upravitelj ovih lokacija, istaknuto je da se svi razvojni planovi rade u saradnji sa općinama Trnovo, Hadžići i Iličići, sa Upravom za šumarstvo, Zavodom za planiranjem razvoja Kantona Sarajevo, te sa drugim relevantnim ministarstvima i institucijama koje imaju za cilj razvoj jedne od najvažnijih turističkih destinacija u BiH.

Sezona skijanja na Bjelašnici

Olimpijski centar ZOI'84 je 30. novembra 2021. godine noćnim skijanjem otvorio novu sezonu skijanja na Bjelašnici. Za prvi dan sezone obezbjeđeno je besplatno skijanje za 300 korisnika na stazi "Kolijevka".

Rekonstrukcijom postojećeg i izgradnjom novog "BX" lifta ove godine će biti povećan kapacitet sa 600 na 2.250 skijaša na sat. U funkciji je novi ski-data sistem, koji omogućava jednostavniju kupovinu ski-karata. ZOI'84 želi učiniti zimske sportove dostupnim što većem broju bh. građana. Sezonske karte, koje su među najpovoljnijim u regiji, mogu se kupiti na ski-kasi Bjelašnica - Babin do i na kasi u Olimpijskoj dvorani Zetra - ulaz F.



Bjelašnica - tradicija olimpizma

Unaprijeđenje turističke ponude Bjelašnice

#turistička zajednica KS
#ZOI'84

U cilju strateškog razvoja turizma kao privredne grane u Kantunu Sarajevo u protekljoj sedmici potpisani je sporazum o projektu pod nazivom "Zajednički plan implementacije oporavka i razvoja turizma u Kantunu Sarajevo", koji će se implementirati saradnjom Turističke zajednice KS i USAIDA-a.

U pitanju je kreiranje marketing plana kako bi se lokaliteti kao što je Bjelašnica, Igman, Trebević i druga izletišta u Kantunu stavila u fokus.

Kako ističu iz Turističke zajednice KS najvažnija je saradnja s lokalnom samoupravom, kao i promocija svih planiranih projekata. Turistička zajednica KS ozbiljan je marketinški budžet usmjerila na digitalne medije u inostranstvu i regionu. Također, u saradnji sa ZOI'84 radit će na formiranju zimskog kalendaru dešavanja na lokalitetima Bjelašnica, Igman, Trebević, kako bi ove godine imali tačan raspored aktivnosti i dešavanja za svaki dan.

Podsjetićemo na činjenicu da Bjelašnica prethodne sezone nije bila samo atrakcija turistima, već više nego ikada prvi je izbor i bh. građanima.

Općina Trnovo, na čelu sa Općinskim načelnikom pozdravlja ovaj projekat i spremna je na saradnju.



Prvi Live stage muzički festival na Bjelašnici

"Bjelašnica Winter 2022" je projekt u sklopu Zimskog kalendaru dešavanja na olimpijskim planinama Bjelašnica, Igman i Trebević. Ovim festivalom organizovan je niz događaja u mjesecu januaru, te su se svakog vikenda održavali brojni muzički događaji na Bjelašnici.

Prvi nastup na Live stage festivalu započeo je u subotu, 08.01.2022. godine, kada je nastupila Crvena jabuka, Regina, Karne i MA6. Već 09.01.2022. godine nastupali su Kiki Lesendrić i Piloti, Letu štuke, Konvoj i Moca i Biznismeni.

Novinarima na press konferenciji u povodu festivala obratili su se Adnan Mundžić direktor Live festivala, potom Kenan Magoda predsjednik Turističke zajednice KS i Ibro Berilo načelnik Općine Trnovo.

- Bjelašnica je simbol grada Sarajeva i sretni smo što imamo ovu lokaciju. Ovim festivalom, koji će se nastaviti i u budućnosti, želimo da pravimo promociju naših planina - naveo je između ostalog Kenan Magoda.

Novinarima se obratio i Ibro Berilo, načelnik Općine Trnovo, poželio je svima dobrodošlicu na Bjelašnicu i Općinu Trnovo.

Ovaj prostor je mnogo važan za razvoj Općine Trnovo i Kantona Sarajevo. Sve projekte koje rade Vlada Kantona Sarajevo, KJP ZOI'84 i Turistička zajednica KS Općina Trnovo pozdravlja i želi da podrži, jer mi želimo razvoj ovoga područja. Općina Trnovo će biti partner svima koji žele uložiti u ovaj prostor. U Budžetu Općine za ovu godinu planirali smo 10 miliona KM, koje ćemo investirati u ovo područje. Nastavljamo izgradnju "Poslovno-sportskog centra Trnovo", poboljšati ćemo infrastrukturu ovog užeg područja ovdje i još više proširiti postojeće sadržaje, rekao je između ostalog načelnik Berilo.



Nezaboravno košarkaško ljetno na Bjelašnici

Na olimpijskoj planini Bjelašnici, u organizaciji KK Realway Sarajevo, u protekloj sezoni, održan je košarkaški kamp za mlade košarkaše koji treniraju, odmjeravaju snage i druže se u pravoj sportskoj atmosferi. Na kampu prisustvuju mlađi iz više klubova koji pod budnim okom trenera isprobavaju vještine. Ovogodišnje izdanje košarkaškog kampa otvorio je legendarni kapiten BiH reprezentacije i Ministar kulture i sporta Kantona Sarajevo Samir Avdić. Od 27. juna do 15. jula se, pored sportskih, održavaju edukativne i zabavne aktivnosti sa gostima predavačima i gostima reprezentativcima Bosne i Hercegovine.

Košarkaški kamp "18. Sarajevo Basket Meeting" održava se u prelijepom ambijentu sela Šabići na Bjelašnici.

Kamp se održava već 18-tu godinu za redom, a ove godine u tri takozvane smjene zbog oborenog rekorda po broju prijava. Ovaj, svima dobro poznati, tradicionalni kamp priznat je u BiH i regionu kao jedan od najboljih košarkaških kampova sa velikim brojem polaznika koji se svake godine kući vrati bogatiji za veliko iskustvo, nova prijateljstva i nezaboravne košarkaške trenutke.

Prvi čovjek KK Realway, Nedim Džemić kaže: "Drago mi je da smo svim ostalim sarajevskim klubovima pokazali da je olimpijska Bjelašnica ne samo naše, nego i njihovo mjesto kada je u pitanju kamp. Mnogi su lutali, tražili neke druge opcije, a sada su se uvjerili da smo bili upravu kada smo prije 18 godina izabrali ovo mjesto i krenuli s ovom pričom."

Polaznike prve smjene Sarajevo Basket Meetinga posjetila je reprezentativka KSBiH Marica Gajić, uz razmjenu iskustava i razgovor, Marica je polaznike obradovala brojnim poklonima iz košarkaškog saveza. Polaznici su imali priliku da tokom otvaranja

kampa razgovaraju i sa team managerom ženske reprezentacije KSBiH i članicom Naismith Memorial Basketball Hall of Fame Razijom Mujanović, zatim sa Nikolinom Babić reprezentativkom BiH i najboljom trojkasicom proteklog FIBA Women's EuroBasket, kao i Amarom Balićem bivšim članom KK Realway Sarajevo, višestrukim osvajačem MVP nagrade SBM kampa na Bjelašnici i povremenim reprezentativcem BiH. Košarkaši iz cijele BiH uživali su u igri na terenima u Šabićima opremljenim savremenom košarkaškom podlogom, uz boravak na čistom zraku, u ugodnom i mirnom seoskom ambijentu.



Na Bjelašnici okončan još jedan košarkaški kamp

Razvojem Bjelašnice i povećanjem atraktivnosti ovog područja sve više sportskih klubova organizuje i održava na ovom području pripreme, takmičenja i kampove. Pored samih sportskih aktivnosti i takmičenja, klubovi na ovom području mogu organizovati razne animacijske aktivnosti uz boravak na čistom zraku, u ugodnom prirodnom ambijentu.

U dobrom duhu i raspoloženju okončano je više košarkaških kampova na području naše općine, kao i internacionalni, peti po redu, Telemach košarkaški kamp Bjelašnica 2021. Kroz edukaciju iz oblasti košarke ove godine na ovom kampu, na Bjelašnici prošlo je 128 učesnika, a mlade košarkaše kroz svakodnevne

treninge educiralo je 15 trenera iz BiH, Hrvatske i SAD-a.

Imali su brojne aktivnosti, između ostalog učesnici i učesnice košarkaškog kampa iz Sarajeva, Mostara, Bijeljine i drugih gradova, među kojima su i članovi KK BBY, KK Rolling i KK Ilidža imali su edukativne radionice na kojima su naučili o odvajanju otpada, recikliranju, čišćenju i drugim temama.

Naši mladi sportisti su i uzorni građani te su okviru sportskog kampa, sadili drveće na Bjelašnici, i tako pomogli da se očuva prirodno okruženje naše olimpijske ljepotice.



Brojni turisti na Bjelašnici

#turizam

Raste broj turista u Kantonu Sarajevo, koji najčešće posjećuju Bjelašnicu, ali i druga turistički poznata mjesta, popularna izletišta i prirodne ljepote općine Trnovo. Iako je za sezonu ljetnih godišnjih odmora karakterističan odlazak na morsku obalu, veliki broj je i onih koji upravo u ljetnom periodu posjećuju planine. Bjelašnica nudi niz zanimljivih sadržaja; paraglajding, vožnja biciklom, kvadovima, samo su neke aktivnosti koje su stavljenе na raspolaganje posjetiocima na ovoj olimpijskoj ljepotici, no svakako najveća atrakcija i interes kako domaćih tako i stranih gostiju je panoramsko razgledanje platoa Bjelašnice.



Na Bjelašnici najveći zipline u BiH

#MagicSpaceZipline

U naselju Lukavac, u blizini Babinog dola pušten je u funkciju zipline.

Dug je 1 kilometar i nalazi se na nadmorskoj visini od 1430 metara.

-Maximalna brzina zipline je oko 80 kilometara na sat, zavisno od vjetra i težine osobe. Vožnja je potpuno bezbjedna, sistem je jako siguran, za spust dobijete kompletну opremu (full body oprema), uz instruktora za sam spust. Zainteresovanost je velika, a reakcije i utisci nakon vožnje su pozitivni, rekao nam je jedan od osnivača ovog ziplinea.

Zipline vožnja je kao jedan vid adrenalinskog sporta veoma brzo postao popularan. Interesovanje se intenzivno širi, posebno u zadnjih nekoliko godina. Sve što trebate su dobra volja i malo slobodnog vremena, a zauzvrat ćete biti nagrađeni velikim adrenalinskim avanturama, izazovima pred koje vas ova vožnja stavlja, kao i prilikom da uživate u nevjerojatnim prizorima koje stvaraju ljepote krajolika iznad kojeg letite.



Dobra cestovna povezanost, ali i brojni restorani sa domaćom hranom garantuju ugodan boravak na Bjelašnici.



Ako volite prirodu i adrenalin, onda je Magic Space zipline Bjelašnica pravo mjesto za vas.



*„To see never-seen colours and shapes,
To feel much more than know.
To be the eyes of an eagle, slope of a mountain...
Come and enjoy- Magic Space Bjelašnica“*


Završeno snimanje filma na Bjelašnici

Dio filma reditelja Simona Bogojevića Naratha, pod nazivom ‘Illyricvm’ snimljen je na Bjelašnici.

Produciju potpisuju zagrebačka Kinorama, slovenska kuća Forum Ljubljana, italijanska La Sarraz Pictures, kosovska Buka Production i bosanskohercegovačka kuća SCCA/Pro.Ba.

“Radnja filma ‘Illyricvm’ smještena je u 37. godinu prije naše ere, a protagonist je mladi Liburn Volsus kojeg sa sobom povede rimska jedinica. Jednostavan zadatak koji jedinica ima, pratiti skupljanje poreza, pretvoriti se u iznenadni sukob s naizgled pokorenim ilirskim plemenima. Film je najvećim dijelom snimljen na Bjelašnici, a dio snimanja planiran je na Velebitu i u talijanskoj pokrajini Furlanija – Julijnska krajina”, navodi se u opisu filma.

Pogledajte spektakularne prizore sa snimanja filma:




Doživite jesen u Trnovu

Slikoviti jesenji pejzaži u Trnovskim selima ostavljaju bez daha. Pašnjaci, voćnjaci i nepregledna prostranstva sada obojena u divne jesenje boje, zatim izvori vode, čisti potoci i vodopadi učinit će da zaboravite na svakodnevnicu.

U gradskim područjima jesen je postala gotovo neprimjećena, međutim u Trnovskim selima je stvorila najljepše prizore i pejzaže. Na poljima i u voćnjacima se vrijedno završavaju i posljednji poslovi i berbe već zrelih plodova, a iz skoro svakog domaćinstva se osjeti miris kuhanog džema, pekmeza ili voćnog soka.

Posjetite Trnovo, vratite se prirodi, jedite domaću hranu uz prirodni voćni sok u nekom od lokalnih restorana.



27 godina Općine Trnovo

Poruka načelnika;

- Ovom prilikom želim se zahvaliti na dosadašnjoj uspješnoj saradnji, jer mi zaista možemo reći da sarađujemo sa našim građanima. Želimo odgovoriti na njihove potrebe. Tokom godine dok radimo i borimo se, često zaboravimo osvrnuti se nazad i pogledati koliko smo toga već uradili, koliko smo zapravo već napredovali i koliko smo rasli u prethodnim godinama.

Možemo slobodno reći da se ostvaruje vizija razvoja općine Trnovo kao otvorene, ekonomski atraktivne i društveno dinamične regije, koja na prepoznatljiv način osigurava spoj tradicije, održivog razvoja i kvalitete života za svoje građane i ljudе koji u njemu borave, rade i investiraju.

Dugačak je popis i veliki rad na projektima općine Trnovo kroz proteklih 27 godina, a osim navedenih, realizirani su i mnogi drugi projekti.

- Izrada provedbeno –planske dokumentacije
- Realizacija Urbanističkih projekata Bjelašnica I i II faza
- Izgradnja Poslovno – sportskog centra Trnovo
- Izgradnja magistralnih puteva
- Izgradnja regionalnih puteva
- Izgradnja lokalnih puteva
- Izgradnja objekata za vodosnadbijevanja
- Izgradnja kanalizacionih sistema i postrojenja za tretman odpadnih voda
- Izgradnja apartmana i hotela



- Izgradnja i obnova stambenih objekata
- Izgradnja poljoprivrednih i privrednih objekata
- Izgradnja mostova
- Izgradnja objekata društvene infrastrukture
- Izgradnja elektro-energetskih objekata
- Izgradnja TT mreže
- Izgradnja gasnih instalacija
- Izgradnja rasvjete
- Izgradnja vjerskih objekata
- Pomoć drugim općinama u FBiH i RS

Posebno je vidljiva permanentna izgradnja infrastrukturnih projekata, zatim podrška razvoju poljoprivrede, stipendiranju studenata i revitalizaciji kulturnog naslijeđa. Bilježi se značajan napredak u oblastima obrazovanja, kulture, socijalnih pitanja, zdravstvene zaštite građana i mnogih drugih otvorenih procesa koji Općini Trnovo i njenim građanima otvaraju poziciju sredine za ugodan i prosperitetan život u budućnosti. Detaljnije o realiziranim infrastrukturnim projektima u toku protekle godine pročitajte na narednim stranicama.



2005.



2020.



foto: Muamer Kolar

Izgradnja objekta za zdravo starenje

Općina Trnovo je u aprilu mjesecu prethodne godine raspisala javni poziv za izbor najpovoljnijeg izvođača radova na izgradnji objekta za zdravo starenje. Kriterijum za dodjelu ugovora je najniža cijena, a ponude su prikupljene do 20. maja, nakon čega je izabran izvođač građevinska kompanija Neimari d.o.o. Sarajevo.

U kabinetu Općinskog načelnika uslijedilo je potpisivanje Ugovora o nabavci i izvođenju radova na izgradnji objekta za zdravo starenje. Ukupna vrijednost radova, usluga, materijala i opreme iznosi 1.075.000,00 KM bez PDV-a, a krajnji rok za realizaciju ugovora je dvije godine od dana potpisivanja ugovora.

Predviđeno je izvođenje zemljanih radova, kao i betonskih, zidarskih, izolatorskih, krovopokrivačkih, limarskih, bravarskih i drugih radova.

Izgradnja i opremanje Centra biti će finansirani sredstvima Općine Trnovo.

Kao aktuelni načelnik Općine Trnovo već duž niz godina, s ponosom ističem da smo realizirali jako puno projekata kako bi Općina bila zajednica ugodnog i urbanog življenja. Nastaviti ćemo investicije u kapitalne projekte, a u narednom periodu naši prioriteti, za čiju smo realizaciju ispunili sve preduvjete, su izgradnja Poslovno-sportskog centra na Bjelašnici, te izgradnja Centra za zdravo starenje ovdje u Trnovu.

Izgradnja ovog centra je s ciljem da ponudimo podršku osobama treće životne dobi, doprinesemo poboljšanju uslova života osoba treće životne dobi, ali svakako se nadam da će sve generacijske grupe kroz ovaj centar biti aktivne, istakao je Općinski načelnik Ibro Berilo.

Objekat centra planiran je u tri etaže. U neposrednoj blizini administrativnog objekta Općinske uprave započela je izgradnja objekta za zdravo starenje u Trnovu, na parceli u vlasništvu investitora općine Trnovo, te je danas zvanično položen kamen-temeljac.

Prema projektu spratnost objekta je prizemlje, jedan sprat i potkrovљje. Prizemlje se sastoji od



velike polivalentne sale koja će većinu vremena služiti Općini kao sala za Općinsko vijeće, Press konferencije, i sva druga općinska događanja, uz salu na istom nivou su smješteni mala recepcija sa garderobom, sanitarije, kotlovnica i stepenište za spratove. Na prvom spratu je jedna veća prostorija za starije osobe sa čajnom kuhinjom i sanitarijama. Pored toga planiraju se dvije kancelarije za potrebe Centra. U potkrovlju je planiran veći prostor za mlade i dvije kancelarije. Sa sjeverne strane objekta je predviđen i parking za potrebe Centra.

Shodno namjeni objekta projektno rješenje sadrži potrebne elemente savremene planinske arhitekture, koristiti će se materijali prilagođeni ambijentu i klimatskim odlikama lokaliteta.



Obnova saobraćajnice prema Bjelašnici

oktobar-novembar 2021.

Ministar saobraćaja Kantona Sarajevo Adnan Šteta sa direktorom Direkcije za puteve KS Selsmirom Kovačem obišao posljednje radove na obnovi saobraćajnice prema Bjelašnici.

Na obnovljenoj dionici, dužine 587 metara, izvođeni su radovi na zamjeni sloja asfalta, izvršena je sanacija, postavljene su mreže za zaštitu kosina, postavljene bankine i saobraćajna signalizacija.

“Asfaltiranjem dijela saobraćajnice na dionici Trnovo-Pendići-Dejčići-Ledići, ispunjen je ovogodišnji plan za rehabilitaciju regionalnog puta R442 Hadžići-Igman-Krupac.

U ovoj godini put prema Bjelašnici dobio je novi kružni tok u dužini od 300 metara i rekonstruisanu trasu u dužini od dva kilometra”, istakao je ministar Šteta.

Rok za izvođenje radova bio je 60 dana, a izvođač je firma Orman.

“Iako smo se prilikom obnove ove dionice susreli sa neobičnim izazovima, kada se prilikom drenaže obrušio materijal i otvorio svod pećine, radovi su završeni u roku.

Za sve buduće projekte važno nam je da imamo realne rokove i tako ćemo djelovati i u narednom periodu”, dodao je ministar Šteta.



Izgrađen kružni tok na Bjelašnici

Općina Trnovo je u saradnji sa Direkcijom za puteve KS pristupila rješavanju protoka saobraćaja na lokalitetu Gornja Grkarica. Radnici kompanije "Orman" iz Kiseljaka okončali su radove na izgradnji kružnog toka na ovoj dionici puta za Bjelašnicu, a investitor projekta je Direkcija za puteve Kantona Sarajevo.

Realizacijom ovog projekta u znatnoj mjeri će se olakšati protok vozila koji bi trebao smanjiti saobraćajne gužve, te povećati sigurnost učesnika u saobraćaju, naročito u vrijeme skijaške sezone, kada Bjelašnicu posjećuje veći broj ljudi.



Završena rekonstrukcija dionice puta Mehki do – Kolijevka

Poboljšanje putne infrastrukture od velike je važnosti za snažniji turistički zamah olimpijskih planina Bjelašnice i Igmana. U tom smislu značajan je projekat sanacije regionalnog puta Gornja Grkarica – Sinanovići (R960), koji povezuje olimpijske planine Igman i Bjelašnicu sa Šabićima i Sinanovićima.

Na ovu saobraćajnicu su vezani i lokalni putevi koji povezuju brojna bjelašnička sela, a također povezuje i važne turističke resurse. Upravo zbog značaja ove putne komunikacije pristupilo se njenoj rekonstrukciji, te su okončani radovi na dionici Mehki do – Kolijevka u dužini od 520 metara. Izvedeni su radovi drenaže i zamjene podlta.

Rekonstrukcijom su poboljšani elementi puta, te je izvršena zamjena postojeće kolovozne konstrukcije, riješeno pitanje odvodnje i poboljšan sigurnosni aspekt. Finansijer radova je Direkcija za puteve Kantona Sarajevo, a radove na ovoj dionici puta izvodile su firme "Braća Mujić" i "Demus" iz Sarajeva.



Asfaltirana ulica na Babinom dolu

Ugovorom o nabavci i izvođenju radova sanacije i asfaltiranja puteva LOT 3- Sanacija i asfaltiranje lokalnih puteva, potpisanim u osmom mjesecu 2020. godine ugovoreno je, između ostalih, asfaltiranje pomenute dionice puta koju investira Općina Trnovo, a izvođač radova je konzorcij Goraždeputevi d.d. Goražde i GP Put a.d. Radovi su izvedeni u predviđenom roku. U pitanju je infrastruktura u sklopu Urbanističkog projekta Bjelašnica I, radi se o jednoj od važnijih ulica, naročito u toku zimske sezone, zbog lakšeg kontroliranja saobraćaja i kružnog kretanja primarnom saobraćajnicom na Babinom dolu.

Projektom je u dužini od oko 200 metara izrađen donji noseći sloj asfalta, postavljen novi habajući sloj asfalta, te su zamjenjeni ivičnjaci i riješena odvodnja.



Sanacija i asfaltiranje puta M 18.1

Završen još jedan veliki ovogodišnji projekat za koji je Općina Trnovo izdvojila 296.800,00 KM. Radi se o sanaciji i rekonstrukciji asfaltnog kolovoza, sa rješavanjem odvodnje na cesti M-18.1, dionica Ustikolina-Trnovo, u mjesnoj zajednici Delijaš, dužine 1100 metara.

Iz nadležne Službe za urbanizam, komunalne poslove, investicije i zaštitu čovjekove okoline kazali su nam kako su zadovoljni dinamikom radova na ovom projektu, te da je projekat u potpunosti završen.

Uz pomenutu saobraćajnicu izgrađeni su i armirano-betonski potporni zidovi, ukupno njih 6.

Nakon izvedenih zemljanih radova i rješene odvodnje završeno je asfaltiranje pomenute dionice sa postavljanjem rubnih ivičnjaka.

Cilj ovog značajnog projekta je pored novog asfalta i rješenje odvodnje površinskih voda, što je od vitalnog značaja za jednu cestu u ovakovom području.

Glavni investitor ovog projekta, vrijednog 1.082.827,98 KM, je JP Ceste Federacije BiH, dok je izvođač radova konzorcij u sastavu Goražde putevi d.d. i MGBH d.o.o. iz Sarajeva.

Nadzor nad izvođenjem radova vrši firma ARTING BH d.o.o.



Asfaltiran put za Kisjelice

Ovogodišnja građevinska sezona u Općini Trnovo nastavljena je planiranim radovima, između ostalog radi se na dalnjem poboljšanju putne infrastrukture. Sa ciljem stvaranja kvalitetnijeg i ljepšeg životnog ambijenta svake godine iz Budžeta se izdvajaju značajna finansijska sredstva.

U MZ Trnovo, radnici firme "Goraždeputevi" d.d. priveli su kraju sanaciju i asfaltiranje lokalnog puta za Kisjelice. Urađena je sanacija postojeće trase puta i ugrađen asfalt površine od 150 kvadrata. Investitor projekta je Općina Trnovo.

Sanacija i asfaltiranje puta M 18.1

Okončano je asfaltiranje dionice magistralnog puta M 18.1 koji povezuje Garež – Delijaš.

Vrijednost radova iznosi 499.622,16 KM. Radovi na ovom putnom pravcu započeli su u 2020. godini. Sredstva su obezbeđena od strane Općine Trnovo, a izvođač radova je kompanija Goražde putevi d.d.

Nadzor nad projektom i praćenje provedbe vrši ARTING BH d.o.o.

Izvršeno je skidanje postojećeg oštećenog asfaltnog sloja, rješavanje odvodnje te ponovno asfaltiranje dionice oko 700 kvadratnih metara.



Sanacija lokalnih puteva i izgradnja sportske plohe

Općina Trnovo je u mjesecu oktobru potpisala Ugovor o sanaciji lokalnih puteva na teritoriji općine Trnovo. Izvođač radova je firma Demus d.o.o. Sarajevo, dok poslove nadzora nad izvođenjem radova vrši kompanija Radis d.o.o. Ukupna vrijednost ugovora je 418.000, 00 KM, a sanirati će se nekoliko putnih pravaca ukupne dužine oko 2,5 kilometra.

Rok za izvođenje radova na predmetnom ugovoru je četiri mjeseca.

Završeni su radovi na sanaciji i asfaltiranju dionice puta Ivanovo polje-Stubo u dužini od 500 metara i dionica puta Jastrebine u dužini od 300 metara, te asfaltiranje lokalnog puta Omenik-Ostojići. U sklopu gore pomenutog Ugovora planirana je i okončana izgradnja sportske plohe u Dujmovićima.



Sportska ploha u Dujmovićima

U naselju Dujmovići završen je projekat rekonstrukcije dječijeg igrališta, te je postavljena zaštitna ograda čime je najmlađim stanovnicima ovog naselja osigurano bezbjedno mjesto za igru i sportske aktivnosti. Općina Trnovo za rekonstrukciju igrališta, za montažu stubova i montažu ogradnih panela, te ugradnju košarkaških tabli, golova, mrežica i ostale prateće opreme izdvojila je 59.856,91 KM. Radove je izvodila kompanija Dinalsa d.o.o. iz Ilidže.

Izgradnjom igrališta i sportskih ploha po naseljenim mjestima općine lokalna vlast želi poboljšati uvjete i kvalitet života za djecu i omladinu.



Trnovski top koji označava početak iftara

Općina Trnovo nabavila je top koji je u Ramazanu 2021. godine pucnjima označavao vrijeme iftara - kraj cijelodnevnog posta muslimana. Uz kandilje i akšamske ezane, pucanj iz topa sa Dujmovskih brda, donosio je još jedan dijelić ramazanske atmosfere u našu sredinu. Aktivira se paljenjem fitilja, a izrađen je od drveta i kovanih dijelova, te predstavlja repliku topova kakvi su na ovim prostorima korišteni u prošlosti, kada su jedino zvučni i svjetlosni signali ovakvih topova stanovništvu davali znak da je kraj dnevnog posta. Top se planira trajno postaviti na lokaciju Dujmovska brda, gdje će uz ramazansku aktivnost i historijski momenat, poslužiti i kao svojevrsna atrakcija u okviru spomen-obilježja podignutog u čast heroja Keme Mehanića i Zaima Imamovića.



Novi asfalt u naselju Gračanica

U mjesnoj zajednici Trnovo u naselju Gračanica završeno je asfaltiranje lokalnog puta oko 300 metara, koje je finansirano iz budžeta Općine Trnovo.

Tokom trajanja radova koji su započeli početkom juna mjeseca protekle godine, uklonjen je stari asfalt te je postavljen novi, kao i betonski ivičnjaci na određenim dijelovima puta.

Također je prije završnog asfaltiranja urađen iskop kanala pored saobraćajnice za polaganje drenažne cijevi, ugradnja PVC drenažnih cijevi te nivelišanje šahtova za odvod oborinskih voda.

Radove je izvodila kompanija Goražde putevi d.d. iz Goražda, dok je za nadzor zadužena firma Radis d.o.o.

“Infrastrukturni projekti stvaraju bolje i kvalitetnije uslove života za stanovnike, posebno naših ruralnih područja, mnogo smo zahvalni Općini i Općinskom načelniku na realizaciji”, rekao je mještanin naselja Gračanica.



Izgradnja rezervoara Javorov Do

U sklopu ugovora o izgradnji objekata za vodosnadbijevanje Bjelašnice, izgrađeni su objekti na Proskoku, Štinjem dolu i rezervoar za vodu u blizini Javorovog Dola.

U pitanju je rezervoar za vodu kapaciteta $2 \times 250 \text{ m}^3$ sa zatvaračkom komorom i 2 krilna zida.

U osnovi konstrukcija je nepravilnog geometrijskog oblika, dimenzija $22,76 \times 9,10 \text{ m}$ (rezervoari i to $2 \times 9,10 \times 9,10 \text{ m}$ bruto dužine i širine) + $4,50 \times 4,50$ (pomoćne prilazne prostorije u dva nivoa, povezane čeličnim stepeništem).

Sredstva za ovu namjenu najvećim dijelom su obezbijeđena iz Općinskog budžeta.

Cilj je postići kvalitetno vodosnadbijevanje cijelog područja općine, tako da možemo istaći da osim realizacije ovog projekta vodosnadbijevanja pristupa se izgradnji još nekoliko vodovodnih mreža i rezervoara na području općine s ciljem da se omogući svim građanima, korisnicima da imaju uredno i kontinuirano vodosnabdijevanje.

Izvođač radova na rezervoaru je kompanija ITC d.o.o. iz Zenice, dok kompanija Radis d.o.o. vrši stručni nadzor nad građenjem građevine.



Asfaltiranje u naselju Brutusi

Završeni su radovi na asfaltiranju lokalnog puta kroz naselje Brutusi, dužine 870 kvadratnih metara.

Radovi na ovom lokalnom putu su se realizirali prema Ugovoru o nabavci i izvođenju radova na sanaciji i asfaltiranju puteva LOT-3. Putevi obuhvaćeni ovim Ugovorom su lokalni putevi u: Pendićićima, Gračanici, Gaj, Dujmovićima, Šabancima, Rahovićima, Ozimine, Štinji do, Brda-Milišići, Kramarima, Bobovici, Ostojićima Kisjelicama, Brutusi, Trebecaj, Rajski do Godinja, Trnovo RS, Balbašići, Elezovići-Konik, Lisovići, Barice, Šišići, Ozimine-Pervisko groblje, Straišta, Bistročaj, Dolovi i Mađari.

Općina je prema pomenutom Ugovoru provela otvoreni postupak javne nabavke radova, te je za izvođača izabran konzorcij, kompanija Goražde putevi d.d. iz Goražda, kao lider i GP PUT a.d.

U naselju Brutusi izvršeno je zatezanje postojeće trase puta, isjecanje postojećeg asfalta debljine 7cm, ugradnja tamponskog materijala, iskop odvodnih jaraka uz saobraćajnicu te oblaganje jaraka montažnim segmentnim elementima. Nadzor nad izvođenjem radova vrši firma Radis d.o.o.

“Zahvaljujem se Općini Trnovo i načelniku Berilu za realizaciju ovog projekta i ispunjenja obećanja, za nas koji živimo ovdje ovaj projekat je od izuzetnog značaja”, rekao je stanovnik Brutusa.



Okončani radovi na lokalnom putu za Slavljeviće

Okončani su radovi na lokalnom putu za Slavljeviće u MZ Delijaš. U prošlogodišnjoj građevinskoj sezoni asfaltiran je dio puta za ovo naselje, a u ovogodišnjoj su nastavljeni radovi sanacije i asfaltiranja na dijelovima puta koji je bio oštećen. Urađeno je isjecanje postojećeg asfalta, izvršeni radovi na zamjeni podtla, urađen nasip, te položen novi asfalt površine od 900 kvadrata.

Investitor radova, koje je izveo Konzorcij Goraždeputevi d.d. Goražde i GP PUT a.d., je Općina Trnovo, a nadzor je obavio Radis d.o.o.

Općina Trnovo je sa intencijom da se asfaltira što više puteva, kako bi se obezbijedila bolja i kvalitetnija putna komunikacija za stanovnike ovih krajeva i stvorili bolji uslovi za život građana.



Puštena u funkciju nova javna rasvjeta

U cilju poboljšanja kvalitete života svih građana u Trnovu, Općina ulaže vlastita budžetska sredstva u obnovu i modernizaciju komunalne infrastrukture na cijeloj teritoriji općine Trnovo. Privedeni su kraju radovi na izgradnji i modernizaciji javne rasvjete.

Nova LED rasvjeta puštena je u funkciju u naseljima Brutusi, Omenik, Rahovići, Vrela i Podvornice. Proširenje javne rasvjete izvršeno je u naseljima Trnovo, Gračanica, Brutusi, Trebečaj, Godinja, Bijela, Dejčići, Ostojići, Lukavac, Šabići, Rakitnica, Zarije, Brda, Milišići, Kramari, Umoljani, Elezovići, Bobovica, Ozimine, Žilići, Sinanovići, Govedovići i Presjenica.

Vrijednost radova po ovom ugovoru iznosi 289.972,61 KM. Sredstva su obezbijeđena iz Budžeta Općine Trnovo, a izvođač radova je "Eding Telecom" d.o.o. Sarajevo.

Projekat djelimično uključuje i modernizaciju ranije postavljene javne rasvjete, odnosno zamjenu postojeće štedljivom LED rasvjetom.

Led rasvjeta troši znatno manje električne energije, a istovremeno daje bolji efekat osvjetljenosti. To je jedan od mnogobrojnih projekata koje je Općina uradila proteklih godina. Postavljeni su stubovi sa led rasvjetnim tijelima, te su ovo sada lijepo osvijetljena naselja. Širenjem obuhvata nove LED javne rasvjete Općina Trnovo nastavlja praksu sa ciljem potpunog prelaska na ekološki prihvatljivu javnu rasvjetu na području općine. Osim toga nove svjetiljke zahtijevaju i manje održavanje, čime su dugoročno isplativije.



Urađena iluminacija četiri spomen-obilježja

Svjesni značaja spomen-obilježja za lokalnu zajednicu, u Općini Trnovo vode računa o njihovom održavanju. U sklopu ugovora izgradnje i proširenja rasvjete u naseljima planirana je i iluminacija spomen-obilježja, koja su podignuta u spomen onima koji su dali svoje živote u odbrani od agresije na Bosnu i Hercegovinu u periodu '92 – '95. godine.



Općina je za ovaj ugovor izdvojila 289.972,61 KM, radove je izvodio Eding Telecom d.o.o. Sarajevo.

Iluminacija je urađena na spomen-obilježjima kod zgrade Općine u Trnovu, Delijašu, Šabićima i Dejčićima.

Urađeno je osvjetljavanje istih uz usmjeravanje svjetlosti radi ljestvog estetskog izgleda i ukupnog dojma. Iluminacijom se željelo postići skladnost i atraktivno akcentiranje u noćnim satima. Spomen-obilježja imaju univerzalnu poruku – da zaštite od zaborava i budu mjesto vječnog, tužnog i sjetnog podsjećanja na sve poginule sa područja općine Trnovo, ali istovremeno i ishodište poruke da se tako nešto više nikada i nigdje ne ponovi.

Infrastrukturni projekti Općine Trnovo

Potpisan sporazum o realizaciji projekata vodosnadbijevanja i odvodnje otpadnih voda

Općinski načelnik potpisao je Sporazum o realizaciji projekata vodosnadbijevanja i odvodnje otpadnih voda. Radi se o zajedničkom učeštu Ministarstva komunalne privrede, infrastrukture, prostornog uređenja, građenja i zaštite okoliša KS, Zavoda za izgradnju KS i Općine Trnovo. U pitanju je sufinansiranje realizacije dva projekta na području općine Trnovo:

Projekat izgradnje vodovoda Godinja i Izgradnja postrojenja za prečišćavanje otpadnih voda na Igmanu i Bjelašnici po tehnologiji PVA MBBR.

Prema pomenutom Sporazumu Općina će izdvojiti 280.000,00 KM, dok nadležno ministarstvo prema Programu utroška sredstava Ministarstva komunalne privrede, infrastrukture, prostornog uređenja, građenja i zaštite okoliša KS za 2021. godinu, izdvaja 590.000,00 KM za realizaciju ova dva projekta na području naše općine.

Općina je pripremila saglasnosti i odobrenja za građenje, provodi postupak javne nabavke, te ugovore za izvođenje radova, dok će stručno-tehnički nadzor nad izvođenjem radova u okviru projekata provoditi Zavod za izgradnju Kantona Sarajevo.

Projekat izgradnje vodovoda Godinja

Projekat uspostavljanja vodovodne mreže za naselje Godinja realizuje se u više faza, a čijom će se konačnom realizacijom riješiti vodosnadbijevanje naselja Godinja. U okviru prve faze ovog projekta biće položeni cjevovodi od Godinje prema izvoru Bijeli potok, urađena kaptanja, rasteretna komora i rezervoar.

Izgradnja postrojenja za prečišćavanje otpadnih voda na Igmanu i Bjelašnici po tehnologiji PVA MBBR

Kada je riječ o drugom pomenutom projektu – izgradnja postrojenja za prečišćavanje otpadnih voda na Igmanu i Bjelašnici po tehnologiji PVA MBBR realizacija je također fazna. U prvoj fazi će se realizovati pripremni terenski i građevinski radovi, te obezbjeđenje opreme za 2500 ekvivalent stanovnika, dok će se realizacijom kompletног projekta obezbjediti kapacitet za prečišćavanje za 8000 ekvivalent stanovnika.

Vrijednost ovog projekta iznosi 3.133.009,17 KM, a njegova realizacija finansira se prvo bitno kroz sporazum o donaciji Centra za međunarodnu saradnju i razvoj (CMSR) iz Republike Slovenije, zatim određeni dio iz Budžeta Vlade Federacije BiH, Budžeta Vlade Kantona Sarajevo i Općine.

Važno za istaći je da su samo četiri ovakva prečistača izgrađena na Balkanu.



Načelnici općina KS traže zaštitu prava na lokalnu samoupravu

Općinski načelnik Ibro Berilo je prisustvovao sastanku načelnika Kantona Sarajevo, održanom ovog puta u prostorijama Općine Novi Grad. Prisustvovali su i načelnici Općine Stari Grad Ibrahim Hadžibajrić, Općine Ilidža Nermin Muzur, Općine Hadžići Hamdo Ejubović, Općine Ilijaš Akif Fazlić, te pomoćnica načelnika Općine Centar za urbanizam Amela Landžo, Arijana Talović, pomoćnica načelnika Općine Novo Sarajevo za poslove Općinskog vijeća i lokalne samouprave i Selma Fišek, predstavnica Saveza općina i gradova FBiH. Na sastanku je razgovarano o Zakonu o prostornom uređenju Kantona Sarajevo, koji je donesen 2017. godine, a kojim je preuzeto puno nadležnosti iz Zakona o principima o lokalnoj samoupravi datih općinama, i preneseno na kantonalni nivo koji je neefikasan. Samim tim otežan je rad lokalnih zajednica, a posebno je usložnjena procedura izdavanja raznih saglasnosti i odobrenja za građenje. Istaknuto je da smo među najsporijim državama na svijetu, zbog zakona koji su neusaglašeni i neprovodivi, a ne donose ih općine, nego kantoni i Federacija BiH.



Na sastanku je usaglašeno i da se Vladi KS, premijeru i ministru prostornog uređenja što prije uputi obavijest o tome da svih devet načelnika pokreće inicijativu i apelaciju prema Ustavnom суду za zaštitu prava na lokalnu samoupravu, kao i zahtjev da se pokrene procedura za donošenje novog ili izmjenu i dopunu postojećeg Zakona o prostornom uređenju, u koju će biti uključene sve općine iz KS i ispoštovani principi iz Evropske povelje o lokalnoj samoupravi i Federalni zakon o principima lokalne samouprave.

Između ostalog, dogovoren je da se u narednom periodu održi press konferencija na kojoj će načelnici općina KS javnost upoznati o svim problemima sa kojima se suočavaju lokalne zajednice, a koje uzrokuju zakoni koji nisu usklađeni sa Zakonom o principima lokalne samouprave i Poveljom o lokalnoj samoupravi, te uputiti zahtjeve da ih promjene oni koji su ih donijeli.

Vodosnadbijevanje naselja Trnova

Komunalno preduzeće Trnovo je prethodne godine započelo realizaciju projekta sanacije lokalnih vodovoda za obezbjeđenje dodatnih količina vode za piće za naselja općine, a ove godine se planira nastaviti sa provođenjem aktivnosti na izgradnji vodovodne mreže u naseljima gdje je to neophodno.

U septembru mjesecu okončani su radovi na izgradnji cjevovoda u Presjenici, čime je izvršeno razdvajanje Gornje i Donje Presjenice. Ovim projektom rješen je dugogodišnji problem mještana Gornje Presjenice, koji su zbog visinske razlike i nekontrolisane potrošnje često ostajali bez vodosnadbijevanja. Dakle, projektom je osigurano podjednako vodosnadbijevanje navedenih naselja.

U okviru ovih radova izgrađen je cjevovod u dužini od 350 metara, a profil cijevi koji se ugrađuje su PEHD cijevi DN 40 NP 10, te je izgrađen zatvarački šaht.

Građanima općine Trnovo, koji žive u naselju Turovi Općina je također riješila vodosnadbijevanje. Završeni su radovi na izgradnji vodozahvata i vodne komore, te cjevovod u dužini od oko 1000 metara.

Izgradnjom ovih cjevovoda stiču se uslovi da potrošači koji se nalaze na pomenutim lokacijama trajno i kvalitetno, u skladu sa tehničkim propisima, rješe pitanje vodosnadbijevanja.

JKP Trnovo vrši aktivnosti ugradnje vodomjera, te vrši redovnu analizu vode za piće na više različitih mesta, a sve prema Pravilniku o zdravstvenoj ispravnosti vode za piće.

Sve analize se vrše od strane JU Zavoda za javno zdravstvo Kantona Sarajevo koji je potvrdio da su svi uzorci ispravni i odgovaraju Pravilniku o zdravstvenoj ispravnosti vode za piće.



Infrastrukturni projekti Općine Trnovo

Završeno uređenje korita Crne rijeke

U naselju Pomenovići, mjesne zajednice Delijaš u avgustu mjesecu protekle godine izvršeno je čišćenje i uređenje korita Crne rijeke. Kantonalna uprava civilne zaštite Kantona Sarajevo obezbijedila je 50.000 KM za realizaciju projekta.

Izvođač radova je Mevludin Commerce d.o.o. Sarajevo.

Projekat je započet od mosta na samom ulazu u naselje, a riječ je o koritu koje je zaraslo u šiblje i u kojem se nalaze velike količine smeća.

Građani pozdravljaju čišćenje korita Crne rijeke i apeluju na svijest sugrađana da povedu više računa o zaštiti životne sredine.

Cilj je da ovo centralno područje, oko samog korita rijeke bude jedan uređen prostor sa zelenilom.



Idejni projekt uređenja korita rijeke Željeznice



Predstavnici firme ES HYDROTECHNICS su u sali Općine održali prezentaciju Idejnog projekta-Uređenje korita rijeke Željeznice. Prezentaciji projekta prisustvovali su predstavnici Agencije za vodno područje rijeke Save koji finansiraju izradu idejnog projekta, kao i samo uređenje korita, zatim Općinski načelnik Ibro Berilo sa saradnicima, te stanovnici naselja Godinja.

Nacrtom idejnog projekta planirano je da se uradi uređenje korita rijeke Željeznice od mosta u naselju Godinja nizvodno u dužini od oko 900 metara na način da se na kritičnim tačkama izradi betonsko oblaganje sa lijeve i desne strane korita.

Nakon održane prezentacije načelnik Berilo je uputio nekoliko zahtjeva a koji se odnose na dio gdje su oko rijeke Željeznice smješteni stambeni objekti građana, kojima je u posljednjim poplavama prijetila opasnost i mjestu gdje je voda odnijela put:

- Potrebno je posebno obratiti pažnju na ovaj dio naseljenog mjesta i uvažiti mišljenje stanovnika, koji najbolje poznaju cijelokupnu situaciju, ja sam bio očeviđac nepredvidivosti rijeke Žejeznice na ovom području nakon posljedne elementarne nepogodne u novembru mjesecu protekle godine, istakao je Općinski načelnik u svom izlaganju.

Na zahtjev stanovnika naselja Godinja usvojen je prijedlog da se planira uređenje za još oko 400 metara kako bi projekat obuhvatio zaštitu još nekoliko stambenih objekata od mogućeg plavljenja kao i dodatne erozije tla u koritu.

Uređenje korita rijeke Rakitnice

Općina Trnovo nastavlja sa projektima uređenja korita rijeka. Ovog puta Općina Trnovo zajedno sa Ministarstvom privrede Kantona Sarajevo finansira projekat uređenja korita rijeke Rakitnice.

Završeni su radovi na uređenju u centralnom dijelu naselja Šabići, u blizini objekta Škole u prirodi. Riječ je o dionici sliva rijeke Rakitnice koja je izuzetno kritična u sezoni poplava uslijed kojih se rijeka izljeva iz korita i pravi ogromnu štetu stanovnicima na ovom području.

Regulacija korita se radi sa obje strane riječnog korita u dužini od 50 m. Ukupna vrijednost investicije iznosi 70.000,00 KM, dok poslove nadzora nad izvođenjem radova vrši Zavod za izgradnju Kantona Sarajevo.



Općina finansira projekat vodosnadbijevanja naselja Batići (RS)

Načelnici Općine i Opštine Trnovo u protekloj godini potvrdili su dobru saradnju potpisavši čak tri sporazuma o zajedničkom finansiranju:

1. Sporazum o zajedničkom sufinansiranju izvođenja radova na izgradnji vodovoda Batići u opštini Trnovo RS. Ovim sporazumom je dogovoren regulisanje međusobnih prava i obaveza, te je usaglašeno da će za izvođenje radova na izgradnji pomenutog vodovoda Batići Općina Trnovo obezbjediti sredstva u iznosu od 100.000,00 KM, dok se Opština Trnovo (RS) obavezuje da pribavi projektnu dokumentaciju, sve potrebne saglasnosti i dozvole za izvođenje radova, riješiti imovinsko-pravne odnose, te provesti procedure i izvršiti izbor najpovoljnijeg izvođača radova. Građani naselja Batići u Kijevu (RS) već godinama imaju problema s vodosnabdijevanjem i čekaju na gradnju vodovodne mreže, stanovnici pomenutog naselja snalaze se na razne načine, a kako saznajemo mnogi od njih su morali napustiti svoja domaćinstva zbog ovog problema.



2. Sporazum o zajedničkom sufinansiranju radova na sanaciji i asfaltiranju lokalnih puteva u opštini Trnovo. Ovim sporazumom je dogovoren regulisanje međusobnih prava i obaveza, te je usaglašeno da će za izvođenje radova na sanaciji i asflatiranju lokalnih puteva Lukavac- Milje, Oglavak, Kamenolom Bijele vode- Štakе, Batići, Ulobić i klizište Turovi Općina Trnovo obezbjediti sredstva u iznosu od 115.000,00 KM, dok će Opština Trnovo (RS) obezbijediti sredstva u iznosu od 60.000,00 KM, te se obavezuje da pribavi projektnu dokumentaciju i sve potrebne saglasnosti i dozvole za izvođenje radova,

zatim riješi imovinsko-pravne odnose, te će provesti procedure i izvršiti izbor najpovoljnijeg izvođača radova. Općinski načelnik upoznat sa problematikom ovih nekoliko lokalnih puteva u sujednoj nam opštini, odlučio je ovim Sporazumom o sufinansiranju riješiti dugogodišnji problem građana koji svakodnevno prolaze ovim lokalnim putevima.

3. Sporazum o zajedničkom sufinansiranju izvođenja radova na izgradnji javne rasvjete na području opštine Trnovo. Sporazumom je usaglašeno da će za izvođenje radova na izgradnji javne rasvjete Općina Trnovo obezbjediti sredstva u iznosu od 50.000,00 KM, dok se Opština Trnovo (RS) obavezuje da pribavi projektnu dokumentaciju i sve potrebne saglasnosti i dozvole za izvođenje radova, zatim riješi imovinsko-pravne odnose, te će provesti procedure i izvršiti izbor najpovoljnijeg izvođača radova.

- Finansiranje i realizacija projekata, kao i prioritetnim radovima na poboljšanju saobraćajne infrastrukture, izgradnji vodovoda te obezbjeđenje izgradnje javne rasprave u opštini Trnovo nastaviti ćemo i u budućnosti, kazao je Općinski načelnik Ibro Berilo.

Aktivnosti JKP "Trnovo" u MZ Dejčići

JKP "Trnovo" obavlja djelatnosti održavanja objekata kolektivne i individualne komunalne potrošnje, te dio komunalne djelatnosti koji se odnosi na uredno snabdijevanje građana općine Trnovo pitkom vodom, iz vodovoda od lokalnog značaja. Preduzeće svoju djelatnost održavanja obavlja na području četiri mjesne zajednice općine Trnovo, koje su operativno-tehnički organizovane putem četiri sektora. Sektor 1 je zadužen za održavanje snabdijevanja vodom kao i ostale aktivnosti iz njihove domene, na području MZ Dejčići. Radnici JKP "Trnovo" okončali su radove na izgradnji novog vodovodnog sistema za naselje Bare sa vodovoda Dujmovska Brda – Bare.

Položene su PEHD cijevi PN 40 NP 10 u dužini od 735 metara, a na cjevovodu su izgrađena dva šahta sa otvorenom mogućnošću dalje izgradnje cjevovoda sa istim ili manjim profilom cijevi.

Realizacijom ovoga projekta osigurano je vodosnabdijevanje domaćinstava koja do sada nisu imala adekvatnu opskrbu vodom, kao i izgradnja vodovoda za domaćinstva koja nisu bila u mogućnosti da se priključe na postojeću vodovodnu mrežu.

Općina Trnovo je svjesna značaja izgradnje nove vodovodne mreže u ovoj mjesnoj zajednici koja je smještena na prostranom prirodnom platou. Uzme li se u obzir da ova mjesna zajednica raspolaže velikim prirodnim potencijalima za razvoj seoskog turizma, neophodno je bilo stanovništvu osigurati adekvatnu vodovodnu mrežu koja može zadovoljiti njihove narastajuće potrebe.

Opredjeljenje Općine Trnovo je da u narednom periodu intezivno radi na dovođenju pitke vode u sva domaćinstva koja nemaju uredno vodosnabdijevanje. Opći cilj projekta izgradnje vodovodne mreže je ujednačavanje komunalnog standarda na području općine, dok je specifični cilj projekta poboljšanje kvalitete života stanovnika na području općine Trnovo.

Pored završetka radova na projektu vodosnabdijevanja, JKP "Trnovo" je u selu Ostojići privelo kraju izgradnju glavnog šahta, te sanaciju šahta u selu Gaj, a provode se i aktivnosti ugradnje vodomjera u domaćinstvima.

Izgradnja cjevovoda i rezervoara za naselje Godinja

U toku su radovi na realizaciji prve faze vodosnabdijevanja centra MZ Trnovo, kojom je predviđena izgradnja cjevovoda od naselja Godinja do rasterete komore. Projektom je predviđena izgradnja i rezervoara zapremine vode 50 m^3 za vodosnabdijevanje naselja Godinja.

Projektu dokumentaciju izradila je firma "Es Hydrotechnics" d.o.o. Sarajevo, a radove izvode radnici preduzeća "Bujice" d.o.o. Konjic. Finansijska sredstva obezbijedilo je Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo.

Lokacija rezervoara se nalazi iznad naselja Godinja, te je prije početka radova izgradnje ovog rezervoara, urađen predviđeni makadamski pristupni put, koji sa postojećeg lokalnog puta vodi ka objektu.

Rezervoar je projektovan kao armirano betonski objekat, koji se sastoji od vodene i zatvaračke komore, a ploče i zidovi objekta će biti armirano-betonska konstrukcija MB 30. Izgradnja ovog rezervoara obuhvata pripremne, zemljane, betonske, zidarske, izolatorske, te molersko-farbarske i fasaderske, kao i montažne i limarske radove.

Nakon izgradnje ovog rezervoara i opskrbljavanja naselja Godinja pitkom vodom, planiran je nastavak ovoga projekta.



Izvorište "Stubo"

Izvorište se nalazi u blizini svima dobro poznate "Kuće spasa", na putu ka samom vrhu Bjelašnice. Vijugavom cestom koja prvo vodi kroz ogoljene kraške krajolike, a potom kroz pejzaže sa cvijetnim livadama doći ćete na ovaj izvor pitke vode, koje je nekada imalo iznimnu važnost za život lokalnog stanovništva. Istočni tereni Bjelašnice bogati su izvorima pitke vode i manjim planinskim vodotocima koji se zadrže skoro cijelu godinu. Neki od njih javljaju se na veoma visokoj nadmorskoj visini, kao što je izvor Stubo na 1.560 m n/v. Općina Trnovo je obnovila izvorište Stubo sa izdvojenih 118.677,70 KM.



Sada uz sam izvor je izgrađeno odmorište. Odmorište smješteno na livadi pod liticom stjene, a s kojeg se pruža prekrasan pogled na planinski masiv Bjelašnice, Treskavice i Visočice. Radove je izvodila firma "ZZ Gros Comp" d.o.o. Hadžići pod nadzorom "Arting BH" d.o.o Sarajevo.

April 2021. godine

Vodopojilište Stubo je imalo jedan bunar-rezervoar sa koritom za pojenje stoke. Sada je izgrađen novi bunar ispod postojećeg, a povezani su drenažnim kanalom koji puni novi bunar vodom. Oba bunara obložena su lomljenim kamenom formirajući kose stubove, urađena je nadstrešnica čija je konstrukcija od drvenih lamelnih nosača. Izgrađeno je korito za pojenje stoke i česma za piće, a ograđeni i natkriveni prostor će služiti ljudima za odmor, potom kao voda za piće za okolna sela i za napajanje stoke.

Juli 2021. godine

Završeno je postavljanje krova od lima i ograde oko nadstrešnice sa ulaznom kapijom za pješake, te prilazni asfaltni put sa parkingom za šest vozila, te je posađena trava.



Lokalni put Ivanovo polje - Stubo

Općina Trnovo je u mjesecu oktobru potpisala Ugovor o sanaciji lokalnih puteva na teritoriji općine Trnovo. Izvođač radova je firma Demus d.o.o. Sarajevo, dok poslove nadzora nad izvođenjem radova vrši Radis d.o.o. Ukupna vrijednost ugovora je 418.000, 00 KM a sanirati će se nekoliko putnih pravaca ukupne dužine cca 2,5 kilometra.

Rok za izvođenje radova na predmetnom ugovoru je četiri mjeseca.

Trenutno su završeni radovi na sanaciji i asfaltiranju dvije dionice, Ivanovo polje-Stubo u dužini od 500 metara i dionica Jastrebine u dužini od 300 metara.

Dionica puta Ivanovo polje-Stubo vodi ka nedavno obnovljenom izvorištu Stubo, koje se nalazi u blizini Kuće spasa, odnosno na putu koji vodi na vrh Bjelašnice.





Općina Trnovo obilježila Međunarodni dan djeteta

Općina Trnovo povodom "Dana djece" koji se obilježava 20. novembra, učenicima iz osnovne škole "Zaim Kolar" Dejcici organizovala je posjetu Zemaljskom muzeju.

Dan prava djece obilježava značajan trenutak u povijesti kada se poduzeo veliki korak u unapređivanju njihovih prava. Svako dijete ima pravo na obrazovanje, zdravstvenu skrb, hranu, igru, zaštitu i još mnogo toga. Dječja prava svakom djetetu trebaju osigurati mogućnost da dosegne najviše što može.

Općina je organizovala prevoz, te obilazak Zemaljskog muzeja uz kustosa, čime je učenicima od 1 do 9 razreda naše osnovne škole pružena prilika upoznati neprocjenjive zbirke eksponata u najstarijoj i najreprezentativnijoj naučnoj i kulturnoj instituciji.

Općina Trnovo nastoji podržati sve aktivnosti koje imaju u cilju razviti mrežu usluga namijenjenih djeci, a iznad svega to je investicija u razvoj djeteta i u njegovu budućnost. Da bi potpora bila potpuna, kontinuirano unapređivanje neophodno je osigurati dostupnost, korištenje i kvalitetu usluga. Ovakva vrsta podrške zapravo je resurs za roditeljstvo koje poštuju prava djeteta.



Prvo školsko zvono

Općina Trnovo je i ove godine realizovala projekat podrške i pomoći učenicima i njihovim roditeljima za početak nove školske 2021/2022. godine. Naime, iako oblast obrazovanja nije u njenoj direktnoj nadležnosti, Općina Trnovo svake godine iz svog budžeta izdvaja značajna sredstva za unapređenje odgojno-obrazovnog procesa i poboljšavanje uvjeta školovanja, zatim za stipendiranje učenika i studenata, organizaciju školskih takmičenja u znanju, kulturnim i sportskim aktivnostima i drugo.

Općina Trnovo za ovu školsku godinu je obezbijedila udžbenike za sve učenike, ruksake i školski pribor za sve upisane u prvi razred, a bit će nastavljena i dosadašnja praksa da učenici svih razreda imaju prevoz od kuće do škole i od škole do kuće.

Poklon kuponi za sve učenike osnovne škole

Ovog prvog septembra, prvog dana škole uz želju da što više časova đaci provedu u školskim klupama i nadoknade propušteno, uručeni su im poklon kuponi.

Općina je za sve učenike škole obezbijedila poklon bon u iznosu od 60 KM za niže i 80 KM za učenike viših razreda za kupovinu školskog pribora i opreme za novu školsku godinu. To je mali doprinos lokalne zajednice i briga manje roditeljima koji opremaju djecu u školu.

Prevoz za sve školarce

Kao i prethodnih nekoliko godina Općina Trnovo, u saradnji sa Ministarstvom saobraćaja Kantona Sarajevo i ove školske godine omogućiti će svim učenicima Osnovne škole "Zaim Kolar" Dejčići da bezbjedno dolaze i vraćaju se iz škole.

Prevozom koji organizuje Općina riješen je dugogodišnji problem nedostatka prevoza iz svih naselja koja su udaljena od škole. Ovakvo olakšanje đacima i njihovim roditeljima od velikog je značaja, istakao je Općinski načelnik.

Djeca imaju redovan, udoban i bezbjedan prevoz do škole i nazad. Načelnik je kazao kako pored aspekta brige za najmlađe ovakav vid organizacije prevoza ima i još jedan dalji značaj, a to je olakšanje života ljudima koji su se opredijelili za život na selu.

"Pored prevoza djece, Općina će obezbijediti i besplatne đačke užine, te sukladno daljim prioritetima i potrebama podržavati će aktivnosti i projekte škole koji za cilj imaju poboljšanje uvjeta odgojno-obrazovnog rada", ističe Općinski načelnik Ibro Berilo.

Napominjemo da će Općina svim učenicima koji pohađaju srednju školu, a prebivalište im je na području općine Trnovo finansirati mjesecne kupone za đačke iskaznice gradskog javnog prevoza.

Direktor osnovne škole "Zaim Kolar" Dejčići, jedine koja djeluje na području naše općine, kazao je: "Vjerujem da će svake godine doći do povećanja broja učenika, s obzirom na ovakve uslove školovanja koje nudi sama škola ali i lokalna zajednica.

Direktor je izrazio veliku zahvalnost Općini Trnovo na višegodišnjoj pomoći u realizaciji nastavnih aktivnosti i poboljšanju uvjeta boravka i rada u školi."

Uz poštivanje epidemioloških mjera upriličen je prijem povodom polaska u školu naših najmlađih školaraca, stanovnika općine Trnovo. Shodno zaključku Vlade Kantona Sarajevo nastava u novoj školskoj godini u Kantonu Sarajevo odvijat će se u učionicama, uz preporuke i naredbe vezane za epidemiološku situaciju. "Radujem se povratku u školsku klupu, poželio sam učiti skupa sa učiteljicom i svojim drugarima", rekao je jedan od učenika trećeg razreda.



Naša djeca - naša budućnost

Putujući vrtić u Trnovu

Caritas Švicarske od maja 2018. godine aktivno sarađuje s JU "Djeca Sarajeva" na implementiranju projekta "Predškolsko obrazovanje za svu djecu" – PEACH.

Putujući vrtić se realizira u Kantonu Sarajevo na 10 lokacija, kako bi se svoj djeci osigurale jednake šanse i mogućnosti za pohađanje obaveznog predškolskog programa.

Vrtići ovakvog tipa aktivni su od kraja 2020. godine, a u skladu s tim, iz javne ustanove "Djeca Sarajeva" su pozvali roditelje da upišu djecu u Putujući vrtić. Kako je navedeno, projekt je izuzetno dobro prihvaćen. Putem ovog programa kod djece će se razvijati dodatne vještine, te kroz igru i strukturirane aktivnosti omogućiti razvoj interesovanja za učenje i istraživanje.

Autobus potreban za realizaciju projekta nabavljen je uz sufinansiranje Caritasa Švicarska i Ministarstva za obrazovanje, nauku i mlade KS, a realizacija projekta u prva tri mjeseca je finansirana od Caritasa Švicarska uz podršku Vlade Švicarske i Lihtenštajna, dok se nastavak aktivnosti finansira iz Ministarstva.

U Trnovu se osmero djece prijavilo za ovaj program, te će im nakon završenog biti dodijeljena Uvjerenja.

"Djeca su sretna, ovo im je nešto potpuno novo, svida im se ideja da se sve to dešava u jednom velikom busu zapravo. Igrat će se, družiti a nadam se i nešto naučiti", rekla je majka jednog dječaka.



Paketići za najmlađe

#djeca
#radost

Općina je povodom međunarodnog Dana djece i nadolazećih praznika mališanima koji pohađaju Putujući vrtić spremila prigodne poklone i time ih razveselila.

- *Prava djece nemaju rok trajanja. Ona su univerzalna i svevremenska. Djeca su naša budućnost. Svaka generacija, prilika je za stvaranje temelja za novi, bolji svijet. Prilika koju ne smijemo propustiti. Prilika da stvorimo svijet dostojan djeteta.*

Predsjedavajuća Općinskog vijeća, Amina Dedić podijelila je poklone i kratko razgovarala sa mališanima, te je u svojoj izjavi ovom prilikom izrazila zahvalnost svima koji su podržali projekat "Putujući vrtić", te istakla kako osjeća sreću zbog naše djece koja imaju pristup predškolskom obrazovanju, omogućava im se razvoj interesovanja za učenje i istraživanje pa makar i u ovim improvizovanim uslovima jednom sedmično, te da je posebno raduje što im danas donosi paketiće.

Naša djeca - naša budućnost

Besplatna škola skijanja

#skijanjeSeBrzoUči

U januaru mjesecu ove godine održana je besplatna škola skijanja za učenike sedmih, osmih i devetih razreda naše osnovne škole "Zaim Kolar" iz Dejčića. Ovaj projekat, koji realizuje Udruženje za sport i kulturu SPOKULT, jedan je u nizu društveno korisnih projekata koje je Turistička zajednica Kantona Sarajevo Visit Sarajevo podržala kroz Javne pozive, a kojima se ostvaruje saradnja sa lokalnom zajednicom, te se tako obogaćuje zimska sezona i kreiraju novi sadržaji i aktivnosti na našim olimpijskim planinama.

-Kroz ovaj program, učenicima je obezbjeđen besplatan prevoz, skijaška oprema i instruktor, a nakon zabave na snijegu grijemo se uz besplatne tople napiske. Skijanje se brzo uči a najvažnije je da su djeca zadovoljna istakao je jedan od učesnika u projektu, instruktor skijanja Elmir Šehović. On je kazao da povreda nije bilo, da su djeca intenzivno radila na tome da nauče a neki od njih da usavrše vještine u skijanju, ali prije svega su se svi dobro družili. Podjelom diploma uspješno je okončan projekat besplatne škole skijanja za školarce



Zajedno uživamo u zimskim sportovima i vraćamo olimpijski duh našem gradu

Osnovcima podijeljeni novogodišnji paketići




Načelnik Općine Trnovo Ibro Berilo uručio je novogodišnje paketiće svim učenicima Osnovne škole "Zaim Kolar" u Dejčićima.

Paketićima je obradovano 65. učenika, a ovakva podjela ja nastavak lijepo prakse iz ranijih godina.

Škola u Dejčićima dobila lift za savladavanje arhitektonskih prepreka

Osnovna škola "Zaim Kolar" u Dejčićima dobila je lift, što je posljednji u nizu projekata u ovoj školi. Škola je tako sada u potpunosti prilagođena za učenike sa invaliditetom, kao i za prosvjetne radnike koji imaju poteškoće u kretanju. Po Javnom pozivu Ministarstva za rad, socijalnu politiku, raseljena lica i izbjeglice Kantona Sarajevo, škola se prijavila za učestvovanje u projektu "Otklanjanje arhitektonskih barijera za osobe sa umanjenim tjelesnim mogućnostima." Projekat je implementirao UNDP BiH u saradnji sa pomenutim Ministarstvom. Idejni projekat radila je firma ENOVA d.o.o Sarajevo, a cijeli projekat realizirala je firma SELA d.o.o. Sarajevo. U okviru projekta u školi je urađena ugradnja lifta i prilagođavanje vrata sanitarnog čvora za osobe sa poteškoćama u kretanju. Pored toga urađena je ugradnja vanjske rampe kojom se omogućava nesmetan pristup i kretanje unutar objekta osobama sa umanjenim tjelesnim mogućnostima. Ovaj projekat je vrlo važan za svaku školu, prvenstveno zbog djece koja imaju poteškoće u kretanju, te im omogućava da redovno pratе odgojno - obrazovni proces.



U toku isplata novčanih poticaja iz oblasti poljoprivrede

U septembru mjesecu prethodne godine otvoren je Javni poziv Općine za podnošenje zahtjeva za ostvarivanje prava na novčane poticaje. Direktni novčani poticaji odnose se na animalnu, zatim za biljnu proizvodnju i vođenje matičnog knjigovodstva – uzgojno seleksijski rad. Javni poziv je otvoren za sve zainteresovane registrovane poljoprivredne proizvođače, uz ispunjavanje propisanih uslova.

Za poticaje iz Budžeta Općine Trnovo u ovu namjenu prijavilo se sa zahtjevom 149 poljoprivrednika, od čega je 1 zahtjev bio sa nepotpunom dokumentacijom dok 10 podnešenih zahtjeva nije ispunjavalo uvijete koji su traženi javnim pozivom. Na osnovu zaprimljenih prijava, Komisija je obišla svakog poljoprivrednog proizvođača te zapisnički utvrdila činjenično stanje. Od ukupno validnih 137 prijava novčana sredstva u poljoprivrednoj proizvodnji bit će dodjeljena proizvođačima:



- *Direktni novčani podsticaji za animalnu proizvodnju:*

Farma ovaca- 44 proizvođača;
Farma tovnih pilića: 5 proizvođača;
Farma goveda- 47 proizvođača;
Pčelarstvo-28 proizvođača



- *Direktni novčani podsticaji za biljnu proizvodnju:*

Povrće- 16 proizvođača;
Jednokratne pomoći- 12 proizvođača

- *Vođenje matičnog knjigovodstva-uzgojno seleksijski rad:*

Farma ovaca i goveda- 9 proizvođača

Ukupno planirana sredstva za realizaciju javnog poziva su iznosila 135.000,00 KM, no nakon što je Komisija za dodjelu novčanih podsticaja u poljoprivredi za 2021. godinu utvrdila stvarno stanje, ustanovljeno je da planirana finansijska sredstva nisu dovoljna za realizaciju javnog poziva. Obzirom na navedeno, Općinski načelnik je donio posebnu odluku u skladu sa Pravilnikom o posebnim uvjetima i načinu ostvarivanja prava na direktnе novčane podsticaje u oblasti poljoprivredne proizvodnje broj 02-02-3703 od 30.09.2019. godine kojom je utvrdio da se isplata direktnih novčanih podsticaja za poljoprivrednu proizvodnju vrši u skladu sa izmjenama pomenutog Pravilnika broj 02-02-3703-1 od 28.08.2020. godine.

Na osnovu izvještaja Komisije za dodjelu novčanih podsticaja u poljoprivredi za 2021. godinu ustanovljena je isplata od 156.685,00 KM, tako da su se nedostajuća sredstva nadomjestila kroz rebalans Budžeta za 2021. godinu.

- Obzirom da bilježimo porast interesovanja za podsticaje u poljoprivrednoj proizvodnji, ukoliko bude potrebno i sljedeće godine obezbijediti ćemo dodatna sredstva za isplaćivanje poljoprivrednih podsticaja. Svima nam je poznata činjenica da je ove godine veliki broj poljoprivrednih proizvođača u nezavidnoj situaciji, imajući u vidu da su oву godinu obilježile suše, vremenske neprilike i poskupljenja, tako da se čini sve da se ubrza isplata poticaja, istakao je Općinski načelnik.

Poticaji za razvoj poljoprivredne proizvodnje predstavljaju mjeru u okviru Strategije razvoja Općine, Općina i njene službe kontinuirano provode aktivnosti na realizaciji ove mjeru, kako bi se pružila podrška i osnažila poljoprivredna proizvodnja na području naše lokalne zajednice.

Održan redovni godišnji sastanak Općinskog načelnika sa privrednicima i investitorima sa područja općine Trnovo

Općinski načelnik je priredio sastanak za privrednike, investitore i privredne subjekte koji djeluju na području naše općine. Općinski načelnik je govorio o realizaciji plana rada, te predstavio planirane aktivnosti u narednom periodu, posebno se osvrnuvši na izgradnju Poslovno-sportskog centra.

Razvoj cjelokupnog Sportsko-rekreacionog područja Bjelašnica, usvojenog još 1982. godine, se nastavlja i cilj je da Bjelašnica predstavlja jednu modernu sredinu, sa svim neophodnim sadržajima i da može da zadovolji potrebe posjetilaca ali i onih koji tu žive.

- Kritika je uvijek pozitivna stvar u životu, ali kritika koja je dobronamjerna, a ne kritika koja je zlonamjerna. Odgovorno tvrdim da ja najbolje poznajem Općinu Trnovo, rođen sam ispod Bjelašnice, odgojen sam pod Bjelašnicom, išao sam u školu pod Bjelašnicom, hiljadu puta prešao pješke do Sarajeva, i sada svi dušebrižnici više vole Trnovo od mene. Zamislite da je Bjelašnica tad imala ovaj put do Sarajeva kakav bi razvoj tada bio same Općine, istakao je Općinski načelnik

Na sastanku su otvorena i druga važna pitanja, između ostalih pitanja vezana za skijalište i olimpijski centar na Bjelašnici. Pomenutom sastanku prisustvovao je i direktor preduzeća ZOI'84, gospodin Jasmin Mehić, koji je ovom prilikom istakao:

"Bjelašnica treba da ima više svojih polaznih centara, više polaznih stanica, jedna od njih i ona koja bi trebala slijedom događaja biti prioritet jeste sportski centar.

Imamo interes investitora, dobru investicionu klimu. Mi treba da širimo skijališta, omogućimo širenje, i gradnju lokaliteta, a sad ako ministarstvo prostornog uređenja ne misli da to ide u dobrom pravcu, trebaju se uključiti u proces planiranja. Nama je cilj da u naredna tri mjeseca izadjem sa master planom uvezivanja skijališta prvenstveno Bjelašnica - Igman. To će naići na jako puno kritika, prvenstveno zbog krčenja šume i staza, međutim zbog razvoja društva nekako moramo da nađemo balans između očuvanja prirode i razvoja. Divno je da mi na skijalištu imamo u srcu svega toga prašumu, niko tamu stabla posjeći neće. Ovdje treba raditi na promociji jedne zdrave investicijske klime, širiti skijališta, pozivati investitore da grade i prave kvalitetne projekte."



Priča o zdravlju, ljepoti življenja i uspjesima EKO PČELINJAK Med Čolić

Selvir Čolić jedan je od najpopularnijih pčelara, koji radi na proizvodnji i prodaji, čistih, ekološki sigurnih proizvoda od meda. Bogato iskustvo, uz praćenje najnaprednijih medicinskih dostignuća u proučavanju ljekovitosti meda, spojeni sa savršenom prirodnom napravili su od pčelinjaka Čolić jedan od najtraženijih poslovnih subjekata, kada su u pitanju pčelinji proizvodi i preparati sa ljekovitim biljem.

BiH je jedna od najbogatijih prirodnih apoteka u svijetu, prebogata je ljekovitim i medonosnim biljem. Tu apoteku treba približiti našem čovjeku, ali ne po svaku cijenu. To se postiže, prije svega, kvalitetom, a onda povjerenjem – tvrdi Selvir Čolić, rodom iz Rogatice, a danas nastanjen u Sarajevu.

Zapravo, njegov dom je na Bjelašnici, gdje je formirao jedan od najljepših eko pčelinjaka u BiH. U mjestu Godinjske bare, na području naše općine izgradio je mali pčelarski zamak, u kojem je svaka travka na svome mjestu, sve je bespriječno čisto i zdravo, uređeno po najvišim zdravstvenim i ekološkim standardima.

– Med se sve više koristi kao terapijsko sredstvo u svijetu, odličan je borac protiv bakterija. Naučno je dokazano da je njegov antibakterijski spektar djelovanja veoma širok i da se pri tom ponaša kako se samo poželjeti može tj. lječi a ne izaziva nikakve štetne posljedice – objašnjava Selvir.

#najbolji proizvod

IMUNO BOMBA je mješavina domaćeg, uglavnom bosanskog meda i ljekovitih sjemenki suncokreta i tikve, badema, lješnjaka, brusnice, oraha, grožđica... Pokazao se i dokazao kao najbolja prirodna infuzija za jačanje prirodne otpornosti organizma.


Pomaže kod opće iscrpljenosti organizma dajući mu snagu i vitalnost. Preporučuje se uzimanje i preventivno i kod akutnih stanja virusnih i bakterijskih infekcija, prehlada, alergija i spolne nemoći.


Posebno se preporučuje djeci.

Za IMUNO BOMBU kažu da nema ukusnijeg i zdravijeg lijeka od njega na cijelom svijetu. Saznali smo da je samo za pripremu jednog pakovanja potrebno oko dva sata.

Njihove medno-biljne lijekove koriste, a njegov pčelinjak posjećuju mnogi slavni ljudi, političari, sportisti i privrednici, te diplomatski predstavnici u BiH iz SAD, Kuvajta, Saudijske Arabije, Austrije, Norveške...

Čolić je otišao još korak dalje, svoje medno biljne preparate je posebno dizajnirao, tako da su oni i lijek za oči.





#Apiterapija

Metoda liječenja zrakom koji pčele ventiliraju postoji na samo nekoliko mjeseta na balkanu. Apiterapija je zapravo prirođan način jačanja imunološkog sustava pčelinjim proizvodima, a provodi se na način da se inhalira zrak iz košnice. Može se udisati i kroz maske koje dovode zrak iz košnice. Taj zrak se dvostrukim membranama štiti od neželjenih primjesa. Kroz masku se ne može vraćati zrak u košnicu – pojasnio je Čolić, naglašavajući kako je terapiju moguće provoditi već od kraja aprila.

Inhaliranje zraka iz košnice ima pozitivan efekat na psihofizičko stanje u cjelini. Provodeći sat vremena na inhalacijama pored povećanja pozitivne energije, ojačat ćete imuni sistem, pozitivno utjecati na respiratorne organe i ublažiti stres.

- Nekoliko košnica unutar ove kućice imaju otvor, a s druge strane izlazi pčelinji zrak. Udisanje pčelinjeg zraka iz košnice pomaže kod bronhitisa, problema s plućima, alergija, objasnio nam je vlasnik Selvir Čolić. Proizvodnja meda i druženje s pčelama me opušta, ima jako puno posla ali prija mi, možemo reći da sam spojio ugodno s korisnim provodeći dane u prirodi. U mom poslu mi pomaže supruga, nerijetko i kćerka Lejla.

U zdravlje ulazite dok ste zdravi!



Društvena odgovornost

Općina svake godine organizuje i uključi se u više akcija čišćenja sponzorstvom, učešćem uposlenika u akciji i angažovanjem mladih, te na taj način doprinese čistoj i zdravoj okolini.

Velika akcija čišćenja

12. juli 2021. godine

Akcija čišćenja skijaških staza, parkinga i zelenih površina na području Babinog Dola na olimpijskoj planini Bjelašnici, održana je uprkos oblačnom i vjetrovitom vremenu. U akciji je sudjelovalo oko 350 volontera. Podsjećamo da je prethodno završeno odvoženje kabastog otpada na području općine u organizaciji KJKP RAD. Na veliko oduševljenje mnogih posjetilaca Bjelašnice i dječijeg parka kod hotela Maršal, uklonjena su tri napuštena i neregistrovana kombija sa zelenih površina, koji već nekoliko godina tu stoje. Uposlenice i uposlenici Općine bili su jedni od najvrijednijih volontera u akciji, nakon čišćenja smeća, očistili su kamenje oko glavne šetnice, kojom se spušta u Babin do, nakon čega su firme JKP "Trnovo" i "MILIŠIĆ-TRANS" utovarili kamenje i nasuli zemlju, koja će biti hortikulturno uređena, sadnjom trave i cvijeća. Osnovni cilj ovog projekta je podizanje svijesti javnosti o problemu otpada. Sobzirom na odlične rezultate, dobar odaziv volontera te dobru suradnju s ostalim učesnicima, namjera je nastaviti sa sličnim aktivnostima kako bi očuvali prirodnu baštinu našega područja. U akciji zajedno sa uposlenicima Općine su učestvovali i uposlenici JKP Trnovo, momci iz Ski rent Babin Do Bjelašnica i KUD-a Biseri Bjelašnica.

Kao nagradu svim učesnicima i učesnicama akcije KJKP ZOI '84 je kao jedan od organizatora obezbijedio besplatnu uslugu panoramskog razgledanja planine Bjelašnica, u panoramskoj vožnji uživao je i sam Vučko.

Onaj koji štiti prirodu živi u harmoniji sa samim sobom!




Društvena odgovornost

JKP „Trnovo“ na terenu

Općinsko preduzeće JKP „Trnovo“ bilo je aktivni učesnik velike proljetne akcije čišćenja, izradivši zeleni pojas okolo glavne šetnice na Babinom dolu, najprije su navukli zemlju a onda zasadili travu. Druga ekipa radnika u sklopu akcije očistila je sливнике na uslužnom području Bjelašnice, te spriječila eventualno začepljenje oborinske kanalizacije, i zadržavanje vode na njima, a sve prema usvojenom planu i programu velike proljetne akcije čišćenja, saopćili su iz ovog preduzeća.

Ovim u nizu akcijama postignut je cilj, da radom i zalaganjem više subjekata, svaki u okviru vlastite nadležnosti obave se poslovi na jednom prostoru u isto vrijeme, jer samo takvim djelovanjem postižemo da uredimo i očistimo jednu zaokruženu cjelinu.

Ove godine za dio javnih radova, tačnije čišćenje zelenih površina, javnih mjesta, ulica, čišćenje spomeničkih kompleksa Općina je angažovala nezaposlena lica, koja se nalaze na evidenciji JU Službe za zapošljavanje KS i sa prebivalištem na općini Trnovo.



Društvena odgovornost

Općina Trnovo u velikoj akciji pošumljavanja zasadila hiljadu sadnica i poklonila domovini najbolji poklon



Berilom, pružili su podršku i uoči Dana državnosti Bosne i Hercegovine, zemlji poklonili ono što zaslužuje.

- Danas ovdje imamo i predstavnike udruženja šehidskih porodica, sve one druge koje smo pozvali danas nisu tu. Oni koji pričaju najviše o ekologiji, nikad ništa nisu ni organizovali, a puna su im usta ekologije. Ovo je mjesto i prilika gdje treba da upravo oni budu nosioci određenih aktivnosti, nosioci zaštite prirode, a ne priča i pravljenja udruženja kako bi sebi obezbijedili egzistenciju i lična primanja kroz određena udruženja, ne samo u Kantonu Sarajevo, nego i u čitavoj Bosni i Hercegovini. Dolazimo u situaciju da danas imamo više udruženja, nego što imamo radnika u Općinama, Kantonu, a ne znam odakle se finansiraju, izjavio je Općinski načelnik.

Odgovornost za planetu Zemlju je u našim rukama. Svi nas. Odgovornost za budućnost naše djece je na nama. U kakvom će svijetu živjeti odlučujemo svakoga dana. Omogućimo da i njima svijet bude priyatno mjesto koje će predati svojim potomcima. Sadnjom sadnica zajedno pomažemo očuvanju i širenju naših bosanskohercegovačkih šuma, stvarajući pritom zdraviji i lješći ambijent za buduće generacije.



Mjesec novembar je mjesec jesenjih akcija pošumljavanja, pa ovim povodom i Općina Trnovo organizovala je akciju pošumljavanja sadnjom sadnica na lokacijama od Kuće spasa, Štini Do, pa sve do izvorišta Stubo.

Upozlenici Općine Trnovo, vijećnici Općinskog vijeća Trnovo, boračka udruženja lokalne zajednice, komunalno preduzeće Trnovo, vatrogasno društvo Trnovo ali i veliki broj građana odazvao se akciji, te sadnjom sadnica zajedno sa načelnikom Općine Trnovo, Ibrom

Za mnoge porodice Bajram je radost ali i tuga

“Drugi dan Bajrama obilježavamo kao Dan šehida, stoga obišli smo porodice šehida, roditelje i supruge naših najhrabrijih sinova. Za njih je Bajram radost ali i tuga, jer ga dočekuju bez najmilijih. Podijelili smo bajramsку radost sa njima, otvorili vrata njihovih kuća uz bajramsку hediju.

Uz mjere koje su na snazi zbog Korona virusa nismo ovaj tradicionalni običaj izostavili ni ove godine, kako na moje lično zadovoljstvo tako i zadovoljstvo Općinskog načelnika, gospodina Ibre Berila, koji nam svake godine obezbijedi sredstva.“ – rekla je predsjednica Udruženja porodica šehida i poginulih boraca Sifa Dreca.



Humana akcija u Trnovu - “Daruj krv, spasi život!”

Crveni križ Općine Trnovo u saradnji sa Zavodom za transfuzijsku medicinu periodično, nekoliko puta u godini organizuje akciju dobrovoljnog darivanja krvi za potrebe kliničkih ustanova u Sarajevu.

Uprkos složenoj epidemiološkoj situaciji i pandemiji humani ljudi su odvojili svoje vrijeme i pridružili se akciji. Slijedom preporuka Zavoda za javno zdravstvo KS i s obzirom na trenutnu epidemiološku situaciju ispoštovani su najviši higijenski standardi u prostorima provođenja akcije darivanja krvi uz strogo pridržavanje mjera zaštite, kako bi se sprječilo širenje zaraze novim koronavirusom tijekom provođenja akcija.

- Sretni smo jer na našim akcijama raste broj darivaoca i raste svjesnost o važnosti dobrovoljnog darivanja krvi. Neizmjerno smo zahvalni na njihovoj dobroj namjeri i podršci. Pomoći nekome u najvećoj nevolji i spasiti mu život velika je stvar, navode organizatori akcije. "Darivanje krvi jednostavan je postupak, oduzima oko 30 minuta. Svaki darivatelj krvi pomaže u liječenju bolesnika jer je čovjek - darivatelj jedini izvor ovoga lijeka", poručio je jedan mladi darivatelj krvi, koji je kako kaže još kao student počeo darivati kapljice koje život znače, uz poziv svima koji se osjećaju zdravima da daruju krv i na taj način doprinesu zdravlju i ljudima u potrebi.



Donirana sredstva za nabavku opreme

Budžetom Općine Trnovo za prethodnu godinu izvršena je nabavka zimske opreme za Policijsku stanicu Trnovo. Opredjeljenje Općine Trnovo jeste i bit će pružanje pomoći i podrške radu policije, a sve sa ciljem povećanja stepena sigurnosti i bezbjednosti na području općine. Općinski načelnik je istakao kako će Budžetom Općine za narednu godinu nastaviti sa ovakvim vidom saradnje, te se planira nabavka nedostajuće kompjuterske i tehničke opreme.

Ovakav vid pomoći Policijskoj upravi će značajno poboljšati uslove za kvalitetan operativni rad trnovske policije na terenu.

“Radujem se i dragi mi je ukoliko je Općina u mogućnosti da pomogne bilo kakav napredak u našoj lokalnoj zajednici, a posebno ljudima iz oblasti sigurnosti. Općina Trnovo je posvećena svemu što znači sigurnost i dobrobit građana. Mogu obećati da će Općina Budžetom za narednu godinu obezbjediti materijalno-tehničko jačanje kapaciteta naše policije kroz nabavku opreme”, rekao je načelnik Općine Trnovo Ibro Berilo.



Općinski načelnik uručio pomoć porodici Ferhatović

U avgustu 2021. godine došlo je do požara u naselju Buća potok u kojem je izgorio cijeli stambeni kompleks u kojem je živjelo više od 30 osoba. Porodica Ferhatović je jedna od porodica koja je ostala bez krova nad glavom.

Ova tročlana porodica sada živi u alternativnom smještaju, a pošto sanacija stambenog kompleksa koji je nestao u požaru još uvijek nije počela, svaka pomoć im je dobro došla. Ostali su bez svega što su imali, a oni sami nisu u mogućnosti da nadoknade sve izgubljeno.



Zahtjevom za pomoć obratili su se Općini Trnovo, pa je Općinski načelnik Ibro Berilo jučer, ugostio ovu porodicu, te im uručio pomoć koja će im dobro doći u ovoj nevolji.

”Općina Trnovo uvijek je spremna pružiti pomoć kada su u pitanju ovakve situacije, mi svake godine Budžetom planiramo i izdvajamo sredstva za pomoći drugim Općinama i licima kojima je pomoć potrebna” – istakao je načelnik Berilo.

Načelnik je također naglasio da je - ”Općina Trnovo u prethodnom ratu bila spaljena i srušena do temelja, te da se teškim radom došlo do jedne stabilne institucije koja je uvijek spremna odgovoriti i na ovakve situacije.”

Dodjela Božićnica

Općinski načelnik već tradicionalno svake godine za Božić dodijeljuje jednokratnu novčanu potporu Božićnice u iznosu od 100 KM za sve stanovnike Općine Trnovo koji proslavljaju ovaj praznik.

-Iako nam je Korona na neki način ukrala sve praznike, svim našim građanim pravoslavne vjeroispovijesti čestitam Božić i želim da ga proslave u zdravlju i veselju sa svojim porodicama, istakao je Općinski načelnik.

Isplata novčanih naknada će se vršiti, uz poštivanje propisanih epidemioloških mjera, svakim radnim danom od 8 do 16 sati, od danas 06.01.2022. godine u službi za finansije Općine.

Gospodja Stojanka Mojević prva je naša sugrađanka koja je došla po svoju Božićnicu.

– Zahvaljujem se Općini Trnovo i njenom načelniku na ovoj divnoj gesti. Načelnik zaista brine o svim građanima Općine, uvijek je tu za nas i pruži pomoći i podršku, pa tako i u nedavnoj nesreći koja nas je zadesila kada su nam poplavila ognjišta, kazala je gospodja Mojević.

Društvena odgovornost

Naknada za prevoz srednjoškolaca

Za srednjoškolce koji sa područja općine Trnovo putuju u školu gradskim prevozom u Sarajevo, Općina Trnovo je obezbijedila naknadu za prevoz u školskoj 2021/22. godini. Uplaćena je naknada za njih 10 koji pohađaju III i IV razred srednje škole, koja obuhvata ABCD zonu u iznosu od 33,00 KM za 9 mjeseci. Ukupno u ovu svrhu uplaćena su sredstva u iznosu od 2.970,00 KM.

Jednokratna pomoć za srednjoškolce

U svrhu opremanja srednjoškolaca za nastavni proces, Općina Trnovo je svim srednjoškolcima, od prvog do četvrtog razreda, uplatila jednokratnu pomoć u iznosu od 150,00 KM. Ova sredstva su od velike pomoći učenicima i njihovim roditeljima, kako bi mogli nabaviti sve što im je potrebno za školu, a pomoć je dobilo 19. srednjoškolaca. Općina Trnovo se i na ovom primjeru pokazala kao društveno odgovorna lokalna zajednica, koja pomaže mlade koji se obrazuju, stiču zvanja i vještine, jer ulaganje u mlade i njihovo obrazovanje je ulaganje u budućnost.

Jednokratna novčana pomoć za građane koji su prebolovali Covid-19

Općina Trnovo u avgustu 2021. godine provela je prvi javni poziv za dodjelu jednokratne novčane pomoći licima koja su prebolovala Covid-19. Po ovom javnom pozivu građanima je iz Budžeta isplaćeno 20 hiljada KM, njih 200 je ispunilo sve propisane uslove.

Drugi javni poziv za dodjelu novčane pomoći u iznosu od po 100,00 KM za građane koji su prebolovali corona virus, raspisan je u novembru 2021. godine. Pravo prijave na ovaj javni poziv imali su svi građani sa prebivalištem na području općine Trnovo koji su prebolovali Covid-19, što su morali dokazati adekvatnom ljekarskom dokumentacijom. Lica koja su ranije ostvarili jednokratnu novčanu pomoć za oboljele od Covid-19, nisu je mogli ostvariti po ovom javnom pozivu.

Valjanu dokumentaciju posjedovalo je 66 građana, te je po ovom javnom pozivu isplaćeno 6.600,00 KM.

Penzioneri u Trnovu uz oktobarsku penziju dobili po 50,00 KM

U proteklom periodu, Općina Trnovo je preduzela niz aktivnosti kako bi ublažila posljedice koje je građanima prouzročila pandemija corona virusa, kao i porast životnih troškova. Obezbiđena je i jednokratna novčana pomoć penzionerima koji su korisnici penzije čiji iznos ne prelazi 500,00 KM. Sredstva za ovu namjenu u iznosu od 23.950,00 KM osigurana su iz Budžeta Općine Trnovo, a svaki penzioner je dobio po 50,00 KM.

Ovu jednokratnu pomoć dobito je ukupno 479 penzionera, a ovo je jedan od načina da se pomogne ovoj kategoriji stanovništva, čime Općina Trnovo još jednom pokazuje svoje nastojanje da svi građani žive bolje i kvalitetnije.

Kontinuirana briga o boračkoj populaciji

U vremenu pandemije Covid-19 koja se odražava na stanje u cijelom društvu, podrška i pomoć potrebna je svim kategorijama stanovništva, te Općina Trnovo nastoji pomoći svoje stanovnike, te im pruža podršku kad im je najpotrebnija.

Početkom januara 2022. godine Općinski načelnik je dodjelio jednokratnu novčanu pomoć pripadnicima boračke populacije. Korisnicima lične invalidnine isplaćeno je 4.100,00 KM, novčanu pomoć dobitile su 82. osobe. Korisnicima egzistencijalne naknade, za njih 66. dodjeljeno je 3.300,00 KM, a za 90. šehidskih poredica isplaćeno je 4.500,00 KM. Tako da su šehidske porodice, ratni vojni invalidi i demobilisani borci dobili po 50,00 KM jednokratne novčane pomoći.

Mnogi građani Trnova ovu zimu dočekali u obnovljenim domovima

Proteklih nekoliko godina Općina Trnovo realizuje projekat obnove stambenih jedinica. Radi se većinom o izmjeni krovne limene konstrukcije, postavljanje novih oluka, saniranje fasada ili zamjeni dotrajale stolarije građanima općine.

Općina Trnovo, kao lokalna zajednica koja je potpuno uništena tokom rata, pružila je pomoć po povratku njenih građana u prijeratna mjesta prebivališta u vidu izdvajanja novčanih sredstava za infrastrukturne projekte, popravku puteva i zajedničkih objekata, te je Općinski načelnik prije pet godina odlučio da Općina ponovno pruži pomoć u sanaciji stambenih jedinica najprije za socijalno ugrožene porodice, a onda i sve građane koji su se prijavili putem javnog poziva dok se ne utroše planirana godišnja sredstva za ovu namjenu.

- Ovakvim vidom pomoći direktno utičemo na kvalitet života naših građana, jer im biva rješeno jedno od životnih pitanja. Sredstva za ovu namjenu obezbjeđena su Budžetom, nakon čega bude otvoren javni poziv, formira se komisija, koja obide objekte na terenu i na osnovu postojećeg Pravilnika odredi iznos doniranih sredstava, istakao je Općinski načelnik.

Protekle godine Općina je sredstvima iz budžeta u iznosu od 212.820,89 KM finansirala građevinski materijal za obnovu stambenih jedinica, a iznos od 27.500,00 KM izdvojen je za jednokratne pomoći socijalno ugroženim stanovnicima za ugradnju građevinskog materijala.

Sanacija stambenih jedinica u općini Trnovo je praksa koju ova lokalna zajednica, predvođena Općinskim načelnikom Ibrom Berilom započela i namjerava nastaviti i u narednim godinama.

- Ja sam jedna od mnogobrojnih građana koja se obratila Općini Trnovo putem ovog javnog poziva, tražila sam pomoć pri sanaciji dotrajale, stare stolarije u čemu mi je Općina i pomogla. Mogu reći da sam ovu zimu dočekala sretnija nego inače u svom domu, manje ogrijeva je potrebno da bi održavala dom toplim i ugodnim, i još jednom bih i ovim putem zahvalila Općini na realizaciji ovakvih projekata za građane, kazala nam je jedna od stanovnica općine Trnovo.

Čuvajmo našu okolinu: Stop bacanju otpada na nedozvoljenim mjestima

Završena je realizaciji projekta izgradnje nastrešnica u naseljenim mjestima općine prema Ugovoru koji su potpisali Općina Trnovo kao investitor i firma Fadž-Company d.o.o. koja izvodi radove.

Navedeni radovi podrazumijevali su izgradnju niša za kontejnere na prostoru četiri mjesne zajednice, a vrijednost Ugovora iznosi 89.874,37 KM.

Izgradnja niša za smještaj posuda za otpad ima za cilj arhitektonsko i higijensko uređenje prostora koji su za to namijenjeni. Polazeći od prisutne prakse da su navedena mjesta veoma neuredna, da se smeće odlaže često izvan posuda što omogućava rasipanje istog i stvara veoma ružnu sliku ambijenta, također potencijalno predstavlja izvor zagađenja prostora i zaraze ljudi, te se pojavila potreba za uređenjem namjenskog prostora-niše u naseljenim mjestima.

Ovom prilikom osvrnut ćemo se i na česte pozive naših građana, kao i posjetilaca Bjelašnice koji šalju fotografije sa terena i upozoravaju na velike količine smeća na određenim lokacijama, ističemo da ovaj problem spada u nadležnosti Kantonalnog javnog komunalnog preduzeća "RAD" koje, po zakonu obavlja djelatnosti prikupljanja, transporta i deponovanja komunalnog otpada na području Kantona Sarajevo. Raspodjela kontejnera i posuda za odlaganje smeća izvršena je na osnovu ukupnog broja stanovnika. Općinski načelnik često obilazi teren i sam je svjestan ovog problema za koji Općina nije nadležna, te je više puta nastojano riješiti problem odlaganja otpada na Bjelašnici;

- Nismo zadovoljni brojem kontejnera, otpad se redovno odvozi, ali ima dosta neodgovornih pojedinaca koji bacaju smeće gdje stignu. Naša općina, područje Bjelašnice je turističko područje te se kao takvo treba i tretirati, želimo da turisti koji borave ovdje ponesu lijepu sliku o nama, kazao je Općinski načelnik na ovu temu.

Još jednom pozivamo na odgovorno i civilizirano ponašanje.



Memorijalni turnir-Mehmed(Meša) Mulaosmanović

Općina Trnovo bila je sponzor malonogometnog turnira za mlade, održanog u Trnovu u čast čovjeka koji je dao veliki doprinos Općini.

U periodu od 1990. do 1997. godine obavljao je funkciju predsjednika Općine Trnovo, a u vremenu od 1992. do 1996. godine bio je predsjednik ratnog Predsjedništva Općine Trnovo. Pored toga, Meša je bio i organizator otpora, a u poslijeratnim godinama upisao se u vakife džamije Ostojići.

Malonogometni turnir za mlade organizovan je na ideju i inicijativu mladih momaka iz Trnova, Sedina Mulaosmanovića i Harisa Mulaosmanovića, sina rahmetli Mehmeda. Turnir je finansijski podržalo i Ministarstvo sporta i Ministarstvo za boračka pitanja Kantona Sarajevo, te Azel France i Adriatic osiguranje Sarajevo.

U turniru je učestvovalo ukupno 15 ekipa, a najuspješnije tri osvojile su pehar i novčanu nagradu.

Nagrađeni su još i Halil Merdžanić, kao najbolji strijelac turnira i Amer Delić kao najbolji golman.

Ovaj je malonogometni turnir po prvi put organiziran, obzirom na veliki broj zainteresovanih i prijavljenih ekipa, plan je da se tradicionalno organizira.

- Vjerujemo da smo u prvom izdanju turnira započeli misiju našeg turnira, promicanje sportske kulture i prijateljstva i druženja naših mladih sportaša te nam je želja u tom smjeru i nastaviti graditi naš turnir. Veselimo se dolasku ekipa i njihove podrške, posjetilaca turnira, te našem zajedničkom druženju i uživanju u nogometu i prirodnim ljepotama Trnova - rekao je jedan od inicijatora turnira Sedin Mulosmanović.



Klub za praktično streljaštvo i taktički trening Ronin - Trnovo

Grupa entuzijasta i načelnik Općine, došli su na ideju o osnivanju Udruženja streljaštva sa sjedištem u Trnovu. Udruženje je osnovano u februaru 2021. godine, kao nevladina neprofitna organizacija. Udruženje je imenovano kao "Klub za praktično streljaštvo i taktički trening RONIN Trnovo." Činjenica presudna za osnivanje ovoga Kluba bio je geografski položaj Općine Trnovo i tereni koji su pogodni za razvoj infrastrukture potrebne za bavljenje praktičnim streljaštvom i taktičkim treningom. Ova sportska disciplina je u ekspanziji u cijeloj regiji, a riječ je o veoma atraktivnom sportu koji je prožet snagom, brzinom, preciznošću i adrenalinom.

Uz asistenciju i aktivno učestvovanje tima eminentnih stručnjaka IPSC (Internacional Practical Shooting Confederation) i IPSC-a regije BiH pristupljeno je izradi Projekta izgradnje civilnog streljaštva za praktično streljaštvo i taktički trening, na kojem će se održavati takmičenja i prvenstva državnog, balkanskog i evropskog ranga. Klub trenutno ima više od 150 članova koji treninge obavljaju na streljaštu Pašino brdo, te uporedo sa tim obavljaju edukaciju članova. Namjera je okupiti što više mladih ljudi da se bave ovim sportom i da se kroz obuku upoznaju sa pravilnom upotrebom i rukovanjem vatrenim oružjem. Nakon Odluke Općinskog vijeća o davanju Općinskog zemljišta pod zakup, a u svrhu izgradnje civilnog streljaštva, te nakon raspisivanja Javnog poziva, Klub Ronin je ispunio sve uslove i dobio pravo zakupa zemljišta na lokalitetu Donja Grkarica-Međeđa ravan. Period zakupa je 50 godina u svrhu izgradnje civilnog streljaštva.

U narednom periodu Klub Ronin planira izgraditi civilno streljaštvo koje će odgovarati svim modernim standardima, uz ispunjavanje svih zakonskih propisa. Stavljanje u funkciju ovog streljaštva doprinijelo bi razvoju turizma u Općini Trnovo, kao i popularizaciji ovog sporta na području Trnova.



"Bjelašničke staze 2021" u Javorovom dolu

Tradicionalna smotra folklora u Javorovom dolu, održana je 04.07.2021. godine pod nazivom "Bjelašničke staze 2021.godine". Projekat je realiziralo KUD "Biseri Bjelašnice", a Općina Trnovo je jedan od sponzora manifestacije.

Pored domaćina učetvovali su: KUD "Visoko" iz Visokog, KUD "Mošćanica" iz Zenice, KUD "Biseri sevdaha" iz Sarajeva i KUD "Podveležje" iz Podveležja.

Za doprinos u radu i razvoju KUD "Biseri Bjelašnice", društvo je dodijelilo zahvalnice: načelniku Ibru Berilu, Aliji Aljoviću i Kenanu Magodi.



"Bjelašničke staze 2022"

Projekat pod nazivom Zimska smotra folklora "Bjelašničke staze 2022" uspješno je realizovan 13. februara na Babinom Dolu, na platou ispred Benetona.

Karakteristika ovogodišnje Zimske smotre folklora je u tome što je KUD "Biseri Bjelašnice", po prvi put prezentovalo zimsku bjelašničkun nošnju. Pored toga ovo je bila smotra igre i pjesme, ali i smotra mladosti i ljepote, a najvažnije je da ta mladost njeguje tradiciju ovih krajeva.

Iz ovog KUD poručuju da im je bila čast biti dio zabavnih programa na našoj olimpijskoj ljepotici Bjelašnici, zahvaljuju sponzorima i svima koji su dali doprinos u realizaciji manifestacije, između ostalih zahvaljuju se i Općini Trnovo.

BASQUIL BIG TRAIL 2021. godine u Trnovu

U organizaciji Konjičkog kluba Basquil, 10.07.2021. godine pod pokroviteljstvom načelnika Općine Trnovo Ibre Berila, na širem području Ostojića, održano je tradicionalno četrnaesto po redu takmičenje u daljinskom jahanju-enduransu pod nazivom BASQUIL BIG TRAIL 2021. godine. Takmičenje se bodovalo za Prvo kolo KUP-a FBiH 21, a suđeno je pod iskusnim okom Zakira Bećara.

U trci na 60 km učestvovali su najspremniji jahači Federacije BiH, a najbolji je bio Dino Falan iz konjičkog kluba Basquil, koji je jahao na konju Kamalu, sa vremenom od 3 sata i 37 minuta i 30 sekundi, a trku je završio u spektakularnom finišu.

Održana je i trka BASQUIL SMALL TRAIL na stazi dugoj 40 km, a trku je završila jedino Adna Burek na El Hambri, u vremenu 2:50,10 h.

Na takmičenju su pored organizatora kk Basquil učestvovali između ostalih kk Vilenjak, kk Appaloosa i kk Visoko.

Mnogobrojni ljubitelji konja, mogli su uživati kako u prelijepoj prirodi Trnova, tako i u ljepoti i snazi konja.



Obilježavanje značajnih datuma

Po kalendaru obilježavanja značajnih događaja i datuma, Općina Trnovo je u proteklom periodu obilježila sljedeće događaje:

- **17.03.2021. godine**, obilježena druga godišnjica smrti komadanta Selima Hamzića na mezarju kod Ali-pašine džamije;
- **20.03.2021. godine**, obilježena 28. godišnjica formiranja Prve bošnjačke brigade na spomen-obilježju Veliko polje – Igman;
- **02.05.2021. godine**, obilježena 29. godišnjica bitke za odbranu Predsjedništva RBiH na mezarju Kovači u Srajevu;
- **14.05.2021. godine**, obilježeni "Dane otpora u MZ Delijaš" na spomen-obilježju u Delijašu;
- **14.05.2021. godine** obilježen Dan šehida na centralnom spomen-obilježju Veliko polje – Igman;
- **11.06.2021. godine** obilježen "Dan Odreda Bjelašnica" na spomen-obilježju u Šabićima;
- **16.06.2021. godine** obilježena 29. godišnjicu pogibje Keme Mehanića, na spomen-obilježju Dujmovska brda;
- **27.06.2021. godine** obilježena 29. godišnjica zločina u Kalinoviku na mjestima nekadašnjih logora u ovoj Općini;
- **07.07.2021. godine** obilježena 29. godišnjica oslobođanja platoa Straišta, Prečkog polja i Presjenice, kod spomen-obilježja u Dejčićkim barama;
- **17.07.2021. godine** obilježena 26. godišnjica zločina u Godinjskim Barama, na mjestu brutalnog ubistva šestorice Bošnjaka iz Srebrenice;
- **28.08.2021. godine** obilježena 26. godišnjica masakra na Markalama, ispred sarajevske Gradske tržnice Markale;
- **30.08.2021. godine** obilježena 29. godišnjica "Bitke za Trnovo", na centralnom spomen-obilježju u Trnovu;
- **01.09.2021. godine** obilježena 29. godišnjica formiranja Prvog korpusa Armije RBiH, na spomen-obilježju Kovači u Sarajevu;
- **09.09.2021. godine** obilježena 26. godišnjica pogibje legendarnog komadanta Zaima Imamovića, na spomen-obilježju Dujmovska brda;
- **24.09.2021. godine** obilježena 30. godišnjica mobilizacije aktivnog i rezervnog sastava policije - Dan policije SJB Trnovo, na centralnom spomen-obilježju u Trnovu;
- **06.10.2021. godine** obilježena 27. godišnjica diverzantske akcije Čakle, pogibja Mirsada Mehanića i Dan diverzanata, na spomen-obilježju Igman i na platou Čakle-Proskok;
- **08.10.2021. godine** obilježeni "Dani otpora Kijeva", na šehidskom mezarju u Kijevu;
- **25.11.2021. godine** obilježen Dan državnosti Bosne i Hercegovine, na Šehidskom mezarju Kovači i mezarju prvog predsjednika Predsjedništva BiH Alije Izetbegovića;



Počast poginulim i umrlim braniteljima iz proteklog rata odata je učenjem Jasina, polaganjem cvijeća, prigodnim obraćanjima i historijskim časom, uz poruke da se sjećamo naših zasluznih sugrađana i njegujemo kulturu sjećanja.

Nosioci obilježavanja su boračka udruženja općine, a finansijska sredstva za aktivnosti obilježavanja obezbeđuje Općina Trnovo.

Općinsko vijeće

Općinsko vijeće Trnovo, u ovom sazivu, je održalo ukupno sedam redovnih sjednica i dvije vanredne sjednice održane povodom proglašenja stanja prirodne nesreće izazvane poplavama. Program rada Općinskog vijeća za 2021. godinu usklađen je sa Programom rada Općinskog načelnika, te su te aktivnosti uspješno realizovane.

Na vanrednim sjednicama općinskog vijeća na osnovu Poslovnika o radu Općinskog vijeća Trnovo predloženo je i usvojeno :

1. Odluka o odobravanju jednokratne novčane pomoći za 24 fizička lica i jedno pravno lice;
2. Odluka o odobravanju jednokratne novčane pomoći Općini Ilijadža;
3. Odluka o odobravanju jednokratne novčane pomoći Opštini Trnovo RS;

Na četvrtoj redovnoj sjednici Općinsko vijeće Trnovo je potvrdilo rezultate izbora za članove Savjeta mjesnih zajednica na području općine Trnovo, koji su održani u junu mjesecu ove godine, usvojivši Odluku o potvrđivanju izbora za članove savjeta MZ Dejčići, Delijaš, Trnovo i Šabići.

MZ DEJČIĆI

1. Mulaosmanović Huso
2. Dedić Smajo
3. Durmo Hamid
4. Krupalija Memso
5. Krupalija Elvedin
6. Zagorac Atif
7. Mulaosmanović Muriz
8. Došlo Nebojša
9. Ploskić Agan

MZ DELIJAŠ

1. Kozić Mustafa
2. Sarajkić Izo
3. Čerkez Redžo
4. Spahija Aljo
5. Katana Seid
6. Imamović Izet
7. Hodžić Taib

MZ TRNOVO

1. Avdić Senad
2. Kulović Haris
3. Mizdrak Senahid
4. Podgorica Semira
5. Ramić Zaim
6. Godinjak Benjamin
7. Pločo Amir

MZ ŠABIĆI

1. Zećo Muhamed
2. Berilo Osman
3. Milišić Salem
4. Džihan Lutvo
5. Elezović Nedžad
6. Kereš Zaim
7. Žilić Sulejman
8. Gadžo Rešad
9. Pindžo Lutvo



Održane javne rasprave na Nacrt Budžeta

Nakon što je Općinsko vijeće usvojilo Nacrt budžeta Općine Trnovo za 2022. godinu održane su javne rasprave u sve četiri mjesne zajednice. Javnoj raspravi su prisustvovali svi zainteresovani pravni subjekti i građani koji žele biti upoznati sa Budžetom lokalne zajednice u kojoj žive i djeluju.

- Zadovoljstvo mi je poslušati konstruktivne, dobre prijedloge i razmijeniti mišljenja sa građanima, na koje se u krajnjoj liniji ovaj Budžet i odnosi . Budžet Općine Trnovo u nacrtu je usvojen u iznosu od 22.252.100,00 KM od čega opći dio Budžeta čine 4.839.100,00 KM, dok je za kapitalne projekte je planirano investirati 17.413.000,00 KM. Ono što nosi ovaj Budžet je već većinom poznato našim građanima i javnosti, to su naši započeti projekti,kao i nekoliko novih zanimljivih projekata koji će biti započeti naredne godine. Vrlo sam optimističan kada je u pitanju Budžet i njegova implementacija u idućoj godini, jer će zapravo pravi rezultati biti vidljivi u idućoj godini, kazao je Općinski načelnik.



Na sedmoj redovnoj sjednici, održanoj u posljednjoj sedmici decembra mjeseca na Bjelašnici, usvojen je Budžet Općine Trnovo za 2022. godinu u iznosu od 24.420.279,98 KM, kao i Odluka o izvršavanju Budžeta Općine Trnovo za 2022. godinu.



Općinski načelnik sa vijećnicima obišao lokacije projekata

Juli 2021.godina

U organizaciji Općinskog načelnika upriličena je prezentacija projekata koje provodi naša lokalna zajednica s ciljem da se Općinski vijećnici bolje upoznaju sa tokom projekata. Općinski načelnik je precizirao da je ključni projekt za Trnovo u predstojećem periodu izgradnja Poslovno-sportskog centra, stoga su vijećnici obišli lokalitet za izgradnju PSC "Trnovo", mjesto izgradnje vodopojilišta "Stubo" i Kuće spasa, te druge projekte na Bjelašnici.

Općina nastoji popraviti postojeću i izgraditi novu infrastrukturu na Bjelašnici i cijelom području Općine Trnovo, a cilj sve pomenute gradnje je razvoj turizma, za šta Općina ima veliki potencijal.



Radovi na izgradnji Poslovno-sportskog centra Trnovo

ADMINISTRATIVNI OBJEKAT, RELAX OBJEKAT I SPORTSKA DVORANA

Trenutno su u izgradnji glavni objekti unutar kompleksa Poslovno-sportskog centra Trnovo; hotel, administrativni objekat, relax objekat i sportska dvorana. Ovaj kompleks je smješten na samom jugu lokacije između dvije planirane servisne saobraćajnice. Trenutno, kada je u pitanju administrativni objekat u završnoj fazi su radovi na armiranobetonскоj monolitnoj konstrukciji. U objektu relaks centra okončani su radovi na konstrukciji, izvršena je hidroizolacija ravnog krova, te je montirana fasadna bravarija na objektu. Kada je u pitanju sportska dvorana završena je montažna AB konstrukcija, kao i pokrivanje sendvič panelima. U unutrašnjosti objekta izvode se radovi na instalacijama vodovodne i kanalizacione mreže, elektro instalacijama i mašinskim instalacijama. Na južnoj, istočnoj i zapadnoj fasadi završena je montaža fasadnih otvora, dok je na sjevernoj fasadi započeta ugradnja fasadnih staklenih stijenki, ali je zbog ekstremno niskih temperatura i velikih količina snijega ugradnja bila obustavljena do sticanja povoljnijih uslova za rad. U okviru infrastrukture u PSC Trnovo, izvode se radovi na polaganju primarnog voda oborinske i fekalne kanalizacije sa ugradnjom revizionih okana, zatim radovi na polaganju djela vodovodne mreže i gasovoda. U toku je i izvođenje zemljanih radova za izgradnju tribine. Prethodno su izvedeni radovi na instalaciji trafostanice "Bjelašnica apartmani 9", kao i radovi na temeljima balon hale.

"Bjelašnica –ako ste bili ovdje prije 5 godina i ovih dana velike su šanse da se nećete baš snaći. Danas Bjelašnica podsjeća na mali grad. Mnogima ova promjena ne prija, mnogi se bune, ali jedno je sigurno –Bjelašnica je sve punija i ljeti i zimi. Cilj nam je da Bjelašnica ima sadržaj za svakoga. Za mlade izlasci, za skijaše planina, za turiste dobar lift za panoramsko razgledanje, za djecu zabavni parkovi, za prave avanturiste adrenalinske planinarske staze, a za ljubitelje prirode ima mnoštvo staza za šetnju, dalje od zgrada i buke. Izgradnjom i obnovom saobraćajnica, izgradnjom kružnih tokova i omogućenjem kružnog protoka saobraćaja, te izgradnjom podzemne garaže i parking prostora sve je dosta organizovanje.

Poslovno- sportski centar, za koji ističem Općina sama finansira izgradnju, bez kreditnog zaduženja, upotpuniti će ponudu Bjelašnice sa nedostajućim sadržajima. Cilj Općinske administracije, na čelu sa mnom kao načelnikom želi postići da Bjelašnica bude pravi turistički centar, ali i da zadrži planinski duh", istakao je Općinski načelnik Ibro Berilo ovom prilikom.



Općinsko vijeće

Općina Trnovo sufinansirat će izgradnju muzeja

U februaru mjesecu ove godine u Bužimu je Općinski načelnik Ibro Berilo potpisao Sporazum o pružanju finansijske pomoći u iznosu od 15.000,00 KM za izgradnju muzeja 505. Viteške brigade. U toku službene posjete općini Bužim delegacija iz Sarajeva, koju čini Federalni ministar za pitanja boraca i invalida odbrambeno oslobodilačkog rata Mirza Terzo, Općinski načelnik i vijećnik Općine Trnovo Ismet Mulaosmanović, položila je cvijeće na spomen obilježju komandantu 505.viteške brdske brigade, Izetu Naniću. Napomenut ćemo da je Općinski vijećnik Mulaosmanović u januaru mjesecu pokrenuo inicijativu za pružanje finansijske podrške projektu izgradnje pomenutog muzeja.

– Sretan sam da će se do kraja 2022. godine realizirati ovaj projekat, hvala Općinskom načelniku i ministru Terzi za njihov rad i zalaganje. Na polaganju cvijeća danas bila je prisutna i majka Komandanta Izeta Nanića, zbog čega sam posebno sretan. Majke naših šehida su bedemi Bosne i Hercegovine, kazao je vijećnik Općinskog vijeća Trnovo.




Stanje prirodne nesreće

Predsjedavajuća Općinskog vijeća Trnovo, Amina Dedić zahvalila se svim pomagačima, institucijama, domaćim privrednicima, volonterima, uposlenicima Općine Trnovo i naravno njenim građanima koji su učinili sve kako bi zaštitili svoju imovinu, a mnogi od njih i pritekli u pomoć svojim komšijama.

– Hvala svima na ažurnom zajedničkom djelovanju u stanju ove prirodne nepogode koje je zadesila našu lokalnu zajednicu. Posebno se zahvaljujemo pravnim licima na angažmanu u saniranju i otklanjanju posljedica od poplava:

MILIŠIĆ TRANS d.o.o, kompanija Almy-transport d.o.o, Goražde putevi d.o.o., KJKP RAD, kompanija DRINJAKOVIĆ d.o.o, JKP Trnovo d.o.o, MGBH d.o.o, Grakop d.o.o, KJKP VIK d.o.o, Bujice d.o.o, KJP Sarajevo - šume d.o.o i Udruženje „Vatrogasno društvo“ Trnovo.



Stanje prirodne nesreće

Potopljena brojna naselja i blokiran saobraćaj

Mnoga naselja u Trnovu su bila potopljena, pojedini stanovnici su evakuisani, a saobraćaj na određenim dijelovima bio je blokiran.

Hitno je već prvog dana održana sjednica Općinskog štaba civilne zaštite, uposlenici Općine predvođeni Općinskim načelnikom su bili na terenu raspoređeni u ekipe. Najugroženija su bila naselja Pendićići, Gračanica, Godinja i naselje Brutusi, zatim Šabići i Presjenica.

Onemogućen je redovan rad Općine, Doma zdravlja u Trnovu i osnovne škole "Zaim Kolar" u Dejčićima zbog nemogućnosti dolaska na posao uposlenicima, te prestanka snabdijevanja električnom energijom. Voda je poplavila i prizemlje Policijske stanice Trnovo. Komunikacija iz Trnova je bila skoro onemogućena zbog prekida snabdijevanja električnom energijom i pada telekomunikacione mreže.



Pomoć za sanaciju šteta

U poplavama koje su 5. novembra pogodile područje Trnova popavljen je i proizvodni pogon firme FARANG TSC koja proizvodi drveni pelet. Ova firma koja se nalazi u naselju Pendićići pretrpjela je znatnu štetu.

U kratkom vremenskom periodu Općina Trnovo dodjelila je jednokratnu novčanu pomoć fizičkim i pravnim licima čiji su objekti stradali u ovim poplavama. Preduzeću FARANG TSC dodjeljena je pomoć od 30. hiljada KM, što im je uveliko pomoglo u sanaciji posljedica poplava.

- Bez pomoći koju nam je dodijelila Općina Trnovo, sanacija nastale štete nakon poplava bila bi nam skoro pa nemoguća. Da nije bilo ove pomoći vjerovatno bi došao u pitanje i opstanak proizvodnje. Reakcija načelnika i kompletne općinske administracije je bila na visokom profesionalnom nivou.

Pored profesionalnosti, a što je u tim teškim trenucima nama još više značilo je ljudski odnos načelnika Ibre Berila i svih uposlenika Općine sa kojima smo bili u kontaktu u tom periodu – navodi Amir Smječanin, vlasnik Faranga TSC.

Sama sanacija popavljenog pogona za proizvodnju peleta nije bila jednostavna, a pored toga u ovom slučaju trebalo je ponovo pokrenuti proizvodnju i sačuvati radna mjesta.

- Želimo izraziti zahvalnost i Vatrogasnoj jedinici Trnovo, čiji su pripadnici dva dana čistili naš proizvodni pogon. Cijelo vrijeme smo imali i podršku pripadnika policijske stanice Trnovo, kao i naših komšija iz okolnih sela. Ovim putem još jednom se želimo zahvaliti svima koji su nam u tim teškim trenucima pružili pomoć i dali nadu da možemo ponovno pokrenuti proizvodnju i sačuvati našu fabriku – dodaje Smječanin.



Pomoć za stradale u poplavama

U novembarskim poplavama najviše su stradali domovi ljudi u naseljima Pomenovići, Pendičići, Gračanica, Rakitnica i Trnovo.

U takvoj situaciji bilo im je potrebno iskazati solidarnost i spremnost za pomoć. Općina Trnovo, u tim teškim trenutcima odreagovala je na najbolji mogući način, što će potvrditi i stanovnici poplavljenih naselja. Pomagalo im se čišćenjem vodotoka, kanala i puteva, te dostavljanjem paketa hrane i vode.

Nakon povlačenja vode i čišćenja objekata, ugroženima u poplavama nužno je bilo pomoći da saniraju svoje domove i stvore uslove za normalan život. Shodno tome na prijedlog Općinskog načelnika, Općinsko vijeće Općine Trnovo je 16.11.2021. godine na 2. vanrednoj sjednici donijelo je Odluku o odobravanju jednokratne novčane pomoći fizičkim i pravnim licima čiji su objekti stradali u poplavama. Općina Trnovo je i sa ovom vrstom pomoći odreagovala u vrlo kratkom roku, tako da je jednokratna novčana pomoć ovim stanovnicima uplaćena već 24.11.2021. godine.

Posjetili smo poplavljene domove ljudi u naselju Pendičići, Omera i Azeminu Terzo, Kasima Terzo, Vejsila Terzo i Vesku Terzo, i uvjerili se u kakvom su stanju njihovi objekti, te na koji način prevladavaju ovu situaciju.

- Veliko im hvala, posebno načelniku Berilu, obilazio nas je od početka ove nevolje, hvala svim uposlenicima Općine, bili su nam od velike pomoći. Posebno se zahvaljujemo na finansijskoj pomoći koju su nam sada dali, to će nam uveliko olakšati da saniramo ovu štetu, koja je zaista velika. U ovakvim situacijama se pokazuje kolika je njihova spremnost da budu na usluzi narodu – rekli su nam Omer i Azemina Terzo.

Ovom prirodnom nesrećom pogodjeno je i Kijevo, koje je toga dana podsjećalo više na jezero nego na naseljeno mjesto, poplavljen je veliki broj objekata, a nakon povlačenja vode ostalo je blato i vlaga. Općina Trnovo i inače pomaže ovim ljudima u svim segmentima života, bez obzira što administrativno Kijevo pripada entitetu RS.

Pomoć su između ostalih dobili - Fuad Šegalo, Bejdo Prasko, Safija Prasko, Ferhat Demir, Mustafa Karić, Ismet Čengić i Ramiz Demir. Obišli smo mnoge i vidjeli sa čime se suočavaju i na koji način rješavaju probleme, ali većina nam kaže da ne znaju kako bi dalje da Općina Trnovo nije od prvog trenutka uz njih. Pogotovo su zahvalni na novčanoj pomoći koju su dobili, a ona nije zanemarljiva.

- Bila je to zaista teška noć i velika borba sviju nas, a vidite i sami posljedice. Općina Trnovo je mislim, jedina koja je reagovala na način kako jeste, bila od prvog trenutka uz nas, pružala pomoć u hrani i vodi i onda u kratkom roku dodijelila novčana sredstva da možemo sanirati štetu. Zaista hvala uposlenicima Općine na čelu sa načelnikom Ibrom Berilom, i svaka čast za sve što su preduzeli. Niko o tome ne piše i ne govori, a trebalo bi, jer koliko sam upratio ostali tek donose odluke o dodjeli sredstava, a mi smo od Općine Trnovo novčanu pomoć dobili već u novembru, odmah iza poplava – navodi Ismet Čengić.

Kasnije su poplavljrenom stanovništvu trnovskog područja pomoći uputili i Crveni križ i "Merhamet" sa prehrabbenim paketima, te "Merhamet" Švedske sa električnim šporetima i paketima.



Konferencija jedinica lokalnih samouprava u Goraždu

Općinski načelnik, Ibro Berilo jučer je prisustvovao sastanku čiji je domaćin bio Grad Goražde. Naime, održana je Konferencija jedinica lokalnih samuprava koje gravitiraju u ovoj regiji. Učesnici konferencije, predstavnici 12 općina i gradova iz FBiH potpisali su i zajedničku izjavu kojom su potvrdili spremnost za zajedničku saradnju u različitim oblastima. Pored Općine Trnovo i Grada Goražde na konferenciji su učestvovali i predstavnici općina Foča, Foča u FBiH, Čajniče, Han Pijesak, Novo Goražde, Pale, Pale u FBiH, Rudo, Opština Trnovo i Višegrad. Gradonačelnik Goražda Ernest Imamović inicirao je održavanje konferencije s ciljem jačanja međuopćinske saradnje o pitanjima koja su u nadležnosti jedinica lokalne samouprave, a nakon zajedničkog sastanka sa načelnicima Foče i Čajniča u avgustu ove godine. Kako je istaknuto, današnja konferencija prvi je korak koji su predstavnici navedenih lokalnih zajednica poduzeli, s ciljem uspostavljanja međuopćinske saradnje na svim poljima, posebno u oblasti privrede, ruralnog razvoja, okoliša, turizma i kulture. Cilj je isključivo raditi za dobrobit građana i želja je da saradnja rezultira mnogim zajedničkim projektima koji će poboljšati kvalitet života građana ovih lokalnih zajednica – naglašeno je na konferenciji.

„Mi smo danas pokazali da je saradnja na lokalnom nivou moguća bez obzira da li su općine iz Federacije ili RS i Grad Goražde je pokazao jednu širinu i novi put koji znači iskorak za velike stvari koje su moguće u budućnosti“ – naglasio je gradonačelnik Goražda Ernest Imamović.

„Mislim da je današnja konferencija bila jasna i da smo donijeli zaključke koje treba da implementiramo i pokažemo našu spremnost i zajedništvo u radu prije svega lokalnih zajednica. Mi već imamo iskustva saradnje okolnih općina i znamo koliko to daje rezultate. Mi ćemo pomagati jer znamo da budemo solidarni i pomažemo najvećim dijelom upravo istočnoj Bosni. U lokalnim zajednicama imate probleme i projekte ali je to vrlo bitno objediti da bi imali veći faktor vrijednosti i da bi zajednički nastupili, jer sami ne možete ništa“ istakao je načelnik općine Trnovo Ibro Berilo.

Potpisivanjem današnje Izjave potvrđena je spremnost za zajedničkom saradnjom te opredjeljenost da se u narednom periodu aplicira s projektima kod EU i drugih fondova.



Općina Trnovo finansira gradnju spomenika Zaimu Imamoviću u Goraždu

Načelnik Općine Trnovo Ibro Berilo i gradonačelnik Goražda Ernest Imamović, 11. februara 2022. godine, potpisali su sporazum o izgradnji spomen obilježja legendarnom komandantu Zaimu Imamoviću u gradu na Drini.

Općina Trnovo prepoznala je značaj izgradnje ovog spomen obilježja, te će u ove svrhe izdvojiti 90.000 KM, što je većina sredstava potrebnih za realizaciju projekta, a gradnja spomenika planirana je u centru grada, u ulici koja nosi ime legendarnog komandanta.

- Kao načelnik Trnova uvijek sam osjećao neku odgovornost ne prema Goraždu, već prije svega prema Zaimu Imamoviću, čovjeku koji je dobar dio svog života odnosno rata 1992 – 1995. proveo u Općini Trnovo na čijoj teritoriji je i poginuo. Osjećam odgovornost ja kao načelnik ali i svi borci Prve bošnjačke brigade, prema tom čovjeku jer znamo kako se sve dešavalo i da je rahmetli Zaim poginuo pored našeg komandanta, jer su bili metar jedan od drugog, jedan je ranjen drugi je poginuo - kazao je načelnik Ibro Berilo.

Naglasio je da je Općina Trnovo projekt izgradnje spomenika spremna potpuno finansirati, ukoliko se ukaže potreba. Napomenuo je da svake godine iz budžeta, Općina Trnovo izdvaja 500.000 KM pomoći drugima jer, kako je kazao, spada u red razvijenih općina.

- Danas sigurno imamo najveći budžet po glavi stanovnika na Balkanu, a možda i u Evropi i tu smo da radimo i gradimo. Mi smo uvijek spremni da pomažemo i u prilici smo da možemo – dodao je načelnik Trnovo.

Gradonačelnik Goražda Ernest Imamović uz zahvalnost Općini Trnovo koja je prepoznala značaj ovog projekta, najavio je da će on uskoro biti prezentovan javnosti.

- Gospodin Berilo pokazao je zaista jednu veličinu kada je izrazio spremnost da finansira ovaj projekt, u kojem će simbolično učestvovati i Grad Goražde i BPK. Projekat izgradnje spomenika procijenjen je na 100.000 KM ali tačan iznos, bit će poznat nakon okončanja potrebne procedure. - izjavio je Imamović.

Načelnik Berilo je održao sastanak i sa premijerkom BPK Goražde Aidom Obuća, na kojem je razgovarano o budućoj saradnji i mogućnostima zajedničkih projekata.



Općina Trnovo ostvarila značajan napredak

Svake godine Federalni Zavod za programiranje razvoja objavi dokument "Socioekonomski pokazatelji po općinama u Federaciji Bosne i Hercegovine" čiji je cilj da se sagledaju osnovni društveno-ekonomski pokazatelji razvoja Federacije Bosne i Hercegovine u jedinicama lokalne samouprave, te da se rangiraju lokalne zajednice i kantoni prema nivou razvijenosti.

Prema pomenutom dokumentu, objavljenom na web stranici Zavoda, Općina Trnovo je poboljšala rang za 7 mjeseta, sa 13-tog na 6-to mjesto. Rastu je najviše doprinio rast indikatora kretanje stanovništva u odnosu na 2013. godinu. Indikator je sa 0,07 u 2019. rastao na 0,57 u 2020. godini. Rastu je još doprinio i rast indikatora stepen obrazovanja radne snage sa 0,54 u 2019. na 0,68 u 2020. godini.

Više pogledajte u tabeli ili na linku sa web stranice Federalnog Zavoda za programiranje razvoja.

Tabela 1 Nivo razvijenosti Federacije BiH po JLS u 2020.

Naziv	Prihod od posrca na dohodak pc 2020	Stepen zaposlenosti 2020	Kretanje stanovništva 2013-2020	Učestalo strog stanovništvo 2020	Stepen obrazovanja radne snage 2020	Indeks 2020	Rang	Grupe
1	2	3	4	5	6	7	8	9
Centar Sarajevo	4,01	4,10	0,86	0,76	1,27	2,37	1	I
Novo Sarajevo	3,02	1,93	1,01	0,87	1,26	1,72	2	I
Bijela	1,55	1,45	1,58	1,07	1,12	1,38	3	I
Stari Grad Sarajevo	2,20	1,36	0,71	0,78	1,23	1,33	4	I
Novi Grad Sarajevo	1,84	1,07	1,39	0,97	1,14	1,33	5	I
Trnovo	3,00	1,18	0,58	0,22	0,68	1,27	6	I
Vogošća	1,38	0,86	1,86	1,14	1,04	1,27	7	I
Grad Tuzla	1,50	1,51	1,02	0,83	1,11	1,23	8	II
Grad Mostar	1,45	1,36	1,07	0,91	1,20	1,22	9	II

Općina Trnovo bilježi neprekidan porast broja stanovnika

Općina Trnovo bilježi neprekidan porast broja stanovnika, tako demografskom analizom od 2003-2012. godine na području Kantona Sarajevo najveća stopa rasta stanovništa zabilježena je na općini Trnovo.

U junu mjesecu tekuće godine na zahtjev Općine Ministarstvo unutrašnjih poslova, provjerom kroz Službene evidencije Sektora za administraciju Ilidža/Trnovo dostavilo je podatak o broju prijavljenih stanovnika sa mjestom prebivališta na području općine Trnovo. Utvrđeno je da 2928 lica imaju aktivno prebivalište na području općine Trnovo, što pokazuje da je ponovno došlo do povećanja broja stanovnika.

Posjeta specijalnog izvjestitelja

Decembar 2021. godina

Općinu Trnovo posjetio specijalni izvjestitelj za promociju istine, pravde, reparacije i garancije neponavljanja zločina, koji je u posjeti Bosni i Hercegovini u periodu od 03. do 10.12.2021. godine te će se tokom svoje posjete sastati sa predstavnicima relevantnih nadležnih institucija izvršne, zakonodavne i sudske vlasti na državnom, entitetskom i lokalnom nivou.

Svrha njegove posjete je procjena mjera koje su vlasti u Bosni i Hercegovini poduzele u oblasti istine, pravde, reparacije, obilježavanja sjećanja i garancije neponavljanja, a koje su donesene u cilju rješavanja teških kršenja ljudskih prava i humanitarnih zakona počinjenih tokom oružanog sukoba u regionu, kako bi imao potpuni uvid na preduzete inicijative i identifikovao dobre prakse, eventualne praznine i nedostatke, te u tom pogledu formulisao preporuke.

Prva od njegovih posjeta u Bosni i Hercegovini je bila posjeta našoj Općini, gdje su domaćini bili pomoćnici Općinskog načelnika, te razgovarali na ovu temu, tačnije govorili o činjenicama kada je općina Trnovo u pitanju i davali neophodne informacije za Izvještaj o obavljenoj posjeti, koji će specijalni izvjestitelj predstaviti na 51. Sjednici Vijeća za ljudska prava, a koja će biti održana u septembru 2022. godine.

Zaključak sa ovog sastanka je da se Općina i Opština Trnovo identifikuju kao dobre prakse, imaju jako dobru saradnju sve zbog boljeg razvoja i napredka i za dobrobit svojih građana.



Vatrogasno društvo Trnovo kosi i uređuje zelene površine na prostoru općine

Iako djeluju tokom cijele kalendarske godine na raznim zadacima, protekle godine bili su vrlo aktivni u ljetnom periodu, kada je potrebno očistiti brojne javne površine koje su često obrasle travom i rastinjem, što je pogodno za staništa glodara i zmija.

Svakodnevno su radili na čišćenju, košenju i uređenju zelenih površina izvan stambenih blokova, uz riječna korita, lokalne saobraćajnice, igrališta, ambulante, pristupne puteve, kružne tokove, te spomen - obilježja u naseljima, koje su obrasle travom, korovom i šibljem, a koje ne održava KJKP "Park".

"Rad Vatrogasnog društva u Trnovu izuzetno je bitan za sigurnost saobraćaja i bolje preglednosti za vozače, ali također i za kretanje pješaka", kazao je mještanin Trnova.



Potpisan Sporazum o dodjeli finansijskih sredstava Vatrogasnom društvu Trnovo

Odlukom Vlade Kantona Sarajevo, iz Budžeta KS za ovu godinu izdvojeno je 550.000 KM za materijalnu pomoć dobrovoljnim vatrogasnim društvima na području Kantona.

Sporazum o raspodjeli ovih sredstava potpisao je direktor Kantonalne uprave civilne zaštite Dženan Brkanić, na sastanku sa načelnicima i predstavnicima općina, na čijem području djeluju ova vatrogasna društva, a putem kojih će im sredstva biti dodijeljena.

Kriteriji za dodjelu i iznos sredstava su brojnost pripadnika dobrovoljnih vatrogasnih društava, područje koje pokrivaju, kao i broj intervencija na godišnjem nivou, kako samostalnih, tako i zajedničkih intervencija sa pripadnicima Profesionalne vatrogasne brigade.

S obzirom na to da važeći zakoni ne omogućavaju direktni prenos sredstava dobrovoljnim vatrogasnim društvima, sredstva će im biti transferisana putem lokanih zajednica.

"Ova sredstva su zaista od velike pomoći i značajna su sa aspekta sigurnosti, zaštite od požara i spašavanja. Planirana su u približno istom iznosu i u budžetu za narednu godinu", istakao je direktor Brkanić.

Pomoćnik načelnika, Esad Velić koji je predstavljao Općinu Trnovo na ovom sastanku, istakao je da će sredstva u iznosu od 50.000,00 KM biti dodijeljena dobrovoljnemu vatrogasnom društvu Trnovo, koje će ova značajna sredstva utrošiti u tehničko opremanje i sprovodenje planiranih aktivnosti.

Veliki je značaj vatrogasne službe u ruralnim ali i turističkim sredinama općine Trnovo, iz razloga jer su ovakva područja često požarno ugrožena zbog šumovitosti, zapuštanja obradivih površina, uslijed visokih temperatura praćenih vjetrom, te povećane cirkulacije ljudi i izletnika u turističkoj sezoni.



Nova intervencijska odijela za Vatrogasno društvo Trnovo

Danski bračni par Maj-Britt i Rene Sigvarsten, dobri ljudi koji dugi niz godina nesebično usmjeravaju humanitarnu pomoć ka Bosni i Hercegovini, posjetili su Vatrogasno društvo Trnovo. Svoje donacija za BiH većinom usmjeravaju preko bošnjačke humanitarne organizacije "Most Bro". Prije nekoliko godina ovaj bračni par proglašen je humanistima godine, a vrijednost njihove pomoći je izuzeno velika. Vatrogasnom društvu Trnovo ovi dobri ljudi uručili su novu vatrogasnu opremu, tačnije pet vatrogasnih intervencijskih odijela, koja su jako korisna i od velike važnosti svakoj vatrogasnoj jedinici.



Radovi čišćenja snijega i sprječavanja poledice

Podsjećamo, nakon uspješno završene procedure javne nabavke u Općini Trnovo, u novembru tekuće godine potpisani su ugovori za zimsko održavanje lokalnih puteva na području Općine, a sastavni dio ugovora je operativni plan i program zimske službe za zimsku sezonu 2021/22. godine.

Izabrani izvođači, koji su potpisali ugovore za održavanje lokalnih cesta u zimskim uvjetima su: "Milišić-Trans" d.o.o. Trnovo – za održavanje puteva u MZ Delijaš i MZ Šabići, "Mevludin-Commerc" d.o.o. Sarajevo – za MZ Kijevo RS, te "MGBH" d.o.o. Sarajevo – za čišćenje lokalnih puteva u MZ Trnovo i JKP "Trnovo" d.o.o. Trnovo – za MZ Dejčiće.

Za radove u sklopu zimskog održavanja, koji traju od 17.11.2021. do 15.04.2022. godine, Općina Trnovo izdvojila je 318.195,76 KM.

No, međutim za zimsko održavanje određenih lokalnih i nekategorisanih cesta, mostova, staza, trotoara i



stepeništa, te prilaza školskim objektima, hotelima na području općine Trnovo u sezoni 2021/2022. godina brine se Vatrogasno društvo Trnovo.

- Redovno se vrše radovi čišćenja snijega i sprječavanju od poledice na području općine Trnovo, sa fokusom na područje Babinog dola na Bjelašnici, kao najfrekventnijeg područja, konkretno pješačke zone, šetnice, stepeništa, parkinge kao i prilaze hotelima i objektima gdje većinom nije moguće vršiti mašinsko čišćenje, istakao je jedan od članova Vatrogasnog društva, kojeg smo zatekli na terenu.

Članovi Kuvajtskog poslovnog vijeća u posjeti Općini Trnovo

Kuvajtsko poslovno vijeće Bosne i Hercegovine radi na unaprijeđenju trgovinskih i investicijskih odnosa Bosne i Hercegovine i države Kuvajt, kao i promociju prirodnih i izvoznih potencijala kojima BiH raspolaže. Nerjetko investiraju u privredu, ekonomiju, industriju, poljoprivredu BiH s ciljem njenog osnaženja i konkurentnosti na Evropskom tržištu i Bliskom Istoku.

Zamjenik Predsjednika upravnog odbora Kuvajtskog poslovnog vijeća, gospodin Abdullah M. Alobayan izrazio je želju da posjeti općinu Trnovo i upozna se više sa njениm potencijalima. Tokom sastanka je razgovarano o mogućnostima i uslovima za investiranje investitora iz Kuvajta na području općine Trnovo u skladu sa razvojnim programima Općine.

Na sastanku je bila prisutna i direktorica Kuvajtskog poslovnog vijeća BiH, gospođa Dijana Džaferović, a još neke od tema sastanka su bile unapređenje turizma, kulturno nasljeđe, te prezentacija i promocija prirodnih potencijala kojima naša lokalna zajednica raspolaže.



Općinskom načelniku ovom prilikom uručen je certifikat o saradnji

Masovna vakcinacija

Punkt za vakcinisanje u Trnovu aktivan je od avgusta mjeseca protekla godine. Uspješno se odvija imunizacija građana općine Trnovo. Imunizacija se vrši vakcinom proizvođača Sinofarm u vremenu od 8 do 14:00 sati svaki radni dan u Domu zdravlja Trnovo, za populaciju od 18 i više godina. Građani sa sobom trebaju ponijeti zdravstvenu knjižicu. Oni koji dolaze na revakcinaciju - drugu dozu vakcine, potrebno je da obavezno donesu dokaz o primljenoj prvoj dozi vakcine. Služba za civilnu zaštitu Općine putem mjesnih zajednica obavjestila je i prikupila prijave građana za vakcinaciju u domovima.

Na osnovu prijava, timovi Doma zdravlja Trnovo vršili su vakcinaciju starih, nepokretnih i slabo pokretnih građana naše općine u njihovim domovima.

“Pozivamo sve građane da se vakcinišu. Konkretno na punktu ovdje u Trnovu u pitanju je Sinofarm vakcina, za koju je svjetska zdravstvena organizacija (WHO) napravila analizu i utvrdila da je Sinopharm najpouzdanija u odbrani od delta soja. Još je bitno za napomenuti da građani mogu doći i na revakcinaciju, te istakla da se većina naših sugrađana odlučuje za Sinopharm vakcincu”, kazala je spec. porodične medicine Ramusović dr Razija.



Život

- # 15 novovjenčanih parova
- # 25 novorođenčadi

Porodica je prirodna i osnovna društvena jedinica. U savremenom svijetu često se institucija porodice suočava sa brojnim promjenama koje su posljedica globalizacije i sve naglašenijih liberalnih težnji koji nameću nove vrijednosti i nove načine razumijevanja međuljudskih odnosa. Nastupilo je razdoblje krize tradicionalnog poimanja porodice, što je vidljivo kroz porast stope razvoda i padu stope nataliteta.

U cilju održavanja tradicionalnog shvatanja porodice i povećanja nataliteta Općina Trnovo izdvaja finansijska sredstva i istovremeno stvara takav društveni ambijent da ljudi u Trnovu žele da ostanu, rade i razvijaju svoje potencijale, grade porodice i podižu buduće generacije. Nastavljena je tradicija pružanja podrške mladim novovjenčanim parovima, kao i za novorođenu djecu sa područja naše općine. Mladi bračni parovi i mladi roditelji prema socijalnom programu Općine Trnovo dobiju jednokratnu pomoć u iznosu od 500 KM za vjenčanje, odnosno 600 KM za svako novorođeno dijete ukoliko je njihovo prebivalište na području općine Trnovo.



Općina Trnovo ima snažnu historiju iza sebe i znamenitosti vrijedne spomena, što se prikazalo i u Monografiji koja je realizovana prošle godine.

U virtualnom izdanju pročitatje Monografiju Općine, koja predstavlja dokument o historiji općine Trnovo, te kroz veliki broj radova brojnih saradnika obrađuje važne događaje i značajne osobe.

www.trnovo.ba

Ideja je bila oživjeti bogatu historiju općine Trnovo i prenijeti je narednim generacijama.

Energetska industrija jedna od fokus industrija

Iskorištavanje obnovljivih izvora energije te povećanje energetske učinkovitosti predstavljaju sve važniju ulogu u svijetu energetike. Vremenska era korištenja neobnovljivih izvora energije polako se gasi te se javlja sve veća zastupljenost korištenja obnovljivih izvora energije, a sve u cilju postizanja održivog razvoja, sigurnosti opskrbe i konkurentnosti.

Općina Trnovo je odlučila uložiti u obnovljive izvore energije i ima za cilj da napravi jedan pouzdan i održiv energetski sektor, čiji će se razvoj temeljiti na iskorištavanju mogućih energetskih opcija za stvaranje dodatnih koristi za Općinu i njene građane, a sve u skladu s načelima društvene odgovornosti.

Strategijom razvoja Općine Trnovo definisana je potreba i mogućnost korištenja obnovljivih izvora energije. U tu svrhu osnovano je i preduzeće JP „Elektro – Trnovo“ d.o.o. Cilj je na osnovu lokalno raspoloživih prirodnih resursa terena potaknuti proizvodnju iz obnovljivih izvora energije.

Efikasno poslovanje preduzeća bazirano je na dosljednoj primjeni propisa i standarda i na principima osiguranja kvaliteta proizvoda i usluga, očuvanja životne sredine, strateškog planiranja i razvoja, upravljanja rizicima, povećanja energetske efikasnosti i društveno odgovornog poslovanja.

Zaključkom Općinskog vijeća, na prijedlog Općinskog načelnika data je saglasnost JP „Elektro – Trnovo“ d.o.o. na podnošenje samoinicijativne ponude za dodjelu koncesije za izgradnju vjetroparka „Ština Lokva“ snage 30 MW na području Umoljana. Na zahtjev Elektro-Trnova za izdavanje saglasnosti vijeća koje će poslužiti kod nadležnog organa za izdavanje koncesije u svrhu izgradnje vjetroparka na području općine Trnovo. Najprije se planira izgradnja vjetroparka Ština Lokva snage 30 MW u okviru kojeg će biti instalirano šest vjetroagregata proizvodne snage 5 MW. Zakonom o koncesijama, propisano je da u postupku izdavanja koncesije od strane nadležnog organa, potrebno je pribaviti i saglasnost vijeća.

JP „Elektro-Trnovo“ d.o.o. je pokrenulo izgradnju još jednog vjetroparka- Prečko polje snage 30 MW u okviru kojeg će biti instalirano 6 vjetroagregata proizvodne snage 5MW. Radi se o brdsko planinskom, odnosno šumskom području, koji je izložen jakim strujanjima vjetra i bez teške industrijske djelatnosti u blizini, i brojni su dnevni pokazatelji da je zrak čist, te da je prosječni godišnji nivo zagađenja zanemariv.

Uslovi za izgradnju vjetroparkova

U cilju izgradnje vjetroparkova na području Općine Trnovo potrebno je pribaviti sve potrebne dozvole od nadležnih organa. Postupak izdavanja dozvola u Bosni i Hercegovini uključujući korake koje mora poduzeti investitor i dokumentaciju koju mora priložiti uz zahtjev za izdavanje pojedinačnih dozvola su vrlo kompleksni i zahtjevni, te iziskuju značajna finansijska sredstva.

Izradom projektne dokumentacije za planirane vjetroparkove i ishodovanjem potrebnih dozvola uz podršku osnivača Općine Trnovo, u narednom periodu preduzeće će se znatno približiti ostvarenju svoga glavnog cilja, a to je izgradnja dva vjetroparka i proizvodnja električne energije iz OIE čime bi Općina Trnovo postala jedinstvena u Kantonu Sarajevo.



**ČISTE RIJEKE I
ČIST VAZDUH**

**LJEPOTA SNJEŽNIH
PLANINA I
LJEPOTA
NARODNIH NOŠNJI**

**ČISTA ZELENA POLJA
ŠUME I PLANINE**

